


TSHEKO

 Karolo ya Lengwalo, gomme thuto ya ka bošegong bjo ke go. . . Ke nagana gore Jesu Kriste ga se nke a ba le tsheko ya maleba ka go kgorotsheko ya Herode—Herode—Herode, pele ga Pilato. Ga ke dumele O bile le tsheko ya maleba. Gomme ke a nagana, ka go metsotso ye e latelago ye masomenne tlhano, a re Mo feng tsheko, gobane O ka go potšišo gape. Gomme bjale. . .

² Se sengwe sa dilo tše kgolo tšeo A botšišwago ka tšona, ke Lentšu la Gagwe. Bjale ke dumela Lentšu lela. Kafao, ke—ke ya go bala bošegong bjo go tšwa go lefelo la go ganetšwa kudukudu ka Lengwalong. Leo ke Mareka, tema ya 16.

³ Bjale ge re be re neela tlhompho go folaga, goba ge re be re ekwa *The Star Spangled Banner*, re be re tla ema bohle. Gomme ke nagana ge re ka kgona go dira seo segopotšong sa setšhaba sa rena se sekaone seo re nago le sona, ka kgonthe re swanetše go se dira go Lentšu la Modimo. Kafao a re emeng, feela dinakwana di se kae, ge ke bala go tšwa go Lentšu.

⁴ Mareka, tema ya 16 ya Mokgethwa Mareka, go thoma ka temana ya 9. A re theetšeng sekgauswi ge re bala ditemana tše. Bjale, re thwi mo nakong ya tsogo. Re mo nakong moo Morena wa rena a sa tšwago go tsoga go tšwa bahung, gomme o be a tšwelela, le gona, ka dibopego tša go fapana, go batho. Bjale, temana ya 9 e thoma ka mokgwa wo.

Bjale ge Jesu a tsogile ka leselaphutiana letšatšing la pele la beke, o bonagetše pele go Maria Magadalena, yo a lelekilego bodiabolo ba šupago go tšwa go yena.

Gomme o ile le go ba botša bao ba bilego le yena, ge ba be ba hloname le go lla.

Gomme bona, ge ba kwele gore o be a phela, gomme o bonwe ke yena, ga se ba dumela.

Ka morago ga fao o tšweletše ka sebopego se sengwe go ba babedi ba bona, ge ba be ba sepela, gomme ba e ya ka nageng.

Gomme ba ile le go e botša mašalela: le bona ga se ba ba dumela.

Ka morago ga fao o bonagetše go ba lesometee ge ba dutše dijong, le go ba kgalema ka gosedumele ga bona le bothata bja pelo, gobane ga se ba dumela bona ba ba mmonego morago ga ge a tsogile.

Gomme o rile go bona, Eyang lena ka lefaseng lohle, gomme le rere ebangedi go sebopiwa se sengwe le se sengwe.

Yo a dumelago gomme a kolobets̄wa o tla phološ̄wa; eupša yo a sa dumelego o tla lahlwa.

Gomme maswao a a tla latela bona ba ba dumelago; Ba tla lelekela bodiabolō ntle ka leina la ka; ba tla bolela ka maleme a maswa;

Ba tla swara disephente; . . . ge ba ka nwa selo e ka ba sefe sa go bolaya, se ka se ba gobatše; ba tla bea diatla go balwetši, . . . ba tla welwa ke maruru.

Kafao ka gona morago ga ge Morena a boletše le bona, o ile a amogelwa godimo ka legodimong, gomme a dula ka seatleng se setona sa Modimo.

Gomme ba ile pele, le go rera mogohle, Morena a šoma ka bona, a tlišetša lentšu ka maswao a latela. Amene.

⁵ Bjale a re inamišeng dihlogo tša rena feela nakwana, bakeng sa thapelo. Gomme ke ya go kgopela, ge go lokile, gore ge ngwanešu, Marvin Smith, yo a bilego botho go rena maabane, gomme o bile le nna ka mothalong wa thapelo le yena bošegong bja go feta, ge a ka kgopela ditšhegofatšo tša Modimo go Mantšu ao ke sa tšogo a bala.

⁶ Ngwanešu Smith, ge o rata. [Ngwanešu Marvin Smith o a rapela—Mor.] E fe, Morena. Ee, Morena. E fe, Morena. E fe, Morena. E fe, Morena. Ee, Morena. E fe, Morena. Amene.

Ke a le leboga. Le ka dula.

⁷ Ba bantši kudu ba bagwera ba ka mo, ba ke ratago go ba bolela bohle, eupša, feela bjalo ka ge ngwanešu a boletše, ga re ne nako go e dira. Ngwanešu Outlaw kua, wa nnete wa hlogo ya kgo mo ngwanešu mogwera wa ka go tšwa Phoenix, le Ngwanešu Moseley le—le ba bantši kudu ba go fapana bao ke no se kgonego le go ba le nako go lemoga yo mongwe le yo mongwe. Eupša ke na le nnete le a kwešiša, ga ke nyake go le feta.

⁸ Bjale, go Lentšu le, re lebantšwe serokaphatla bošegong bjo. Gomme ke no nyaka go bolela dilo di se kae ka Lengwalo le. Mogohle re yago, re hwetša se, kudukudu phap- . . . mo . . . moo mosedumele a hlaselago.

⁹ Fa nako ye nngwe ya go feta . . . Bontši bja lena le tseba Perris Reidhead. Ke mopresitente wa Sudan Missions. Ao ke a mangwe a maboromiwa a motheo a magologolo ka lefaseng. Yena le Don . . . Ga ke kgone go bitša leina la gagwe la mafelelo. Ke modiša, ye nngwe ya dikereke tše kgolo tša Baptist ka Chattanooga. Ba tlile ka ntlong ya ka, ka—ka Jeffersonville, gomme o rile, “Ngwanešu Branham,” o rile, “re a kwešiša gore o be o le Mobaptist.”

¹⁰ Gomme ke rile, “Ee, mohlomphegi. Ke hlomamišitšwe, Kereke ya Missionary Baptist.”

O rile, “Ke a kwa o amana le Mapentecostal.”

Ke rile, “Ee, mohlomphegi. Ke yo mongwe wa bona.”

11 Gomme o rile, “Gabotse, ke nyaka go botšiša se sengwe.” O rile, “Ba tleleima go ba le Moya wo Mokgethwa.” O rile, “A o nagana woo ke Moya wo Mokgethwa?”

Ke rile, “Ee, mohlomphegi.”

12 O rile, “Gabotse, selo se nnoši nka se kgonego go se kwešiša, go goeletšago fao gohle le go goelesa le go ya pele ka mokgwa woo.”

13 Ke rile, “Gabotse, ge o—ge o sa kgone go bea mušimeetse go tokološa lebili, ba le letša nakana. Yeo ke phetho.” Ke rile, “Ge—ge ba ka kgona. . . Ke ka baka leo ke nago le bona.” Ke rile, “Ge o ka kgona feela go tliša selo sela go šoma, le ao, mafolofolo, go sepelela ntle mošola go thopa disoulo, e tla fenyfa lefase.” Eupša ke rile, “Ke ka lebaka leo ke lego kua.”

14 O rile, “Gabotse, ge ke be ke le mošemane yo monnyane,” o rile, “Ke bile le pitšo go tšwa go Modimo. Gomme mme o hlatswitše godimo ga letlapa la go hlatswa, go nthomela sekolong.” Gomme o rile, “Nna, ge, ke naganne, ge ke hweditše ya ka B.A.,” o rile, “fale ke be ke tla hwetša Kriste, eupša,” o rile, “ga—ga se ke.” Gomme o rile, “Bjale, Ngwanešu Branham, ke na le digrata tša go lekanela le digrata tša tlhompho go ritela lebotla la gago.” Gomme o rile, “Kriste o kae ka go yona yohle?”

15 Ke rile, “Ga se nna yena, ngwanešu, ka thuto ya sekolo sa popopolelo, go re ba—ba barutiši ba be ba le phošo. Eupša,” ke rile, “ba be ba nepile ka go se ba se boletšego, eupša ba be ba se. . . Go na le bontši bja Yona.”

16 Gomme o rile, “Lebaka šele ke lego fa.” O rile, “Ka sekolong, re rutile mošemane yo mokaone wa Moindia go tšwa India. Ke nagana o ithutile go ba. . . Ke nagana e be e le, mohlomongwe, e be e le boengineere bja boagi goba—goba se sengwe, o be a—o be a bo phasitše. O be a eya morago go thuša batho ba gabo.” O rile, “Ke mo tšeetše go ya se—go ya sekepeng, goba setimeleng, moo a bego a eya go swara sekepe, gomme yena go ya morago India. Ke rile, ‘Morwa, ge o sa—ge o sa ya morago. . .’ Ke rile, ‘Bjale o swanela gohle, gomme o ne thuto ya gago, eya morago go batho ba geno.’ Ke rile, ‘Gobaneng o sa tšeela Modimo wa kgonthe wa go phela morago, gomme wa lebala moprofeta yola wa go hwa, Mohammed, yo o mo rapelago?’”

17 Mošemane, a le Mohammedan, “Gabotse,” o rile, “mohlomphegi,” o rile, “ke eng Jesu wa gago a ka kgonago go ntirela bontši bofe go feta se moprofeta wa ka a ka kgonago go se dira?”

18 “Gabotse,” o rile, “Jesu wa rena—wa rena—wa rena—wa rena o go fa Bophelo. Moprofeta wa gago a ka se kgone go e dira.”

19 O rile, “Eupša o tshepišitše go e dira.” Ya. O rile, “O a tseba, se rena Bomohammedan re se letetšego, ke go bona lena Bakriste le dira se moetapele wa lena a rilego le tla se dira.”

O rile, “Ke eng seo?”

20 O rile, “Gabotse, wa gago. . .” O rile, “O a bona, Mohammed o tshepišitše feela bophelo ka morago ga lehu. Eupša,” o rile, “Jesu o tshepišitše gore dilo tše A di dirilego le tla di dira le lena.”

Gomme o rile, “Oo,” o rile, “gabotse,” o rile, “o a bona, ba e dirile.”

O rile, “Bona? Re bolela ka wena, wena bjale.”

21 O rile, “Gabotse, bjale, mohlomphegi,” o rile, “ke a go botša.” O rile, “O badile Testamente ye Mpsa?”

O rile, “Oo, makga a mantši, go kgabola le go kgabola.”

O rile, “Mohlala, ke Lengwalo lefe o le šupago?”

22 “Gabotse,” o rile, “mafelo a mantši, Johane 14:12, le go ya pele,” o rile, “Mareka 16.”

23 O rile, “Gabotse, bjale,” o rile, “o a bona, Mareka 16,” o rile, “re ithuta gore, ka kgonthe, a mangwe a Mangwalo, gore ga Le kgonthe.” O rile, “Mareka 16, go tloga go temana ya 9 go ya pele,” o re, “ga e hwetšwe ka go—go dingwalwa tša kgalekgale.” O rile, “E nno oketšwa.”

24 Bjale, ka kgonthe, ke makala moo le hwetšago seo gona, ge go ka direga go ba moswaswalatši kgauswi. Gobaneng, ke ithutile mengwaga ye masomepedi ka go histori ya Beibele. Le a bona? Nnete. Irenaeus le Polycarp, le bohle ba bona, ba E lemogile. Le a bona? Nnete. Ka kgonthe e okeditšwe. Vatican ga se ya E laetša ka mangwalo. Nnete aowa. Eupša yo, bangwadi ba ba kgonthe, ba rile Jesu o boletše Se, Sengwalwa sa kgonthe.

Gomme kafao o rile, “Go tloga go temana ya 9 go ya pele, ga se E šušumetšwe.”

25 Mohammedan yola o rile, “Gabotse, gona, Mna. Reidhead, ke karolo efe e šušumeditšwego gona?” O rile, “Ke nyaka o tsebe gore Korana yohle e šušumeditšwe, e sego feela karolo *fa* le karolo *fale*.” A phenyo! Kafao o rile, “Gabotse,” o rile, “gabotse, ge—ge e se yona, ge karolo yela e se ya šušumetšwa, ke tseba bjanga ka moka ga yona ga se ya šušumetšwa?” Bjale, go ne ye botse. . .

26 O rile, “Gabotse,” o rile, “ge, Jesu a tsogile go tšwa bahung; gomme Mohammed ke lebitla.”

27 O rile, “A O tsogile go tšwa lebitleng?” O rile, “O rile, ge A dirile, ‘O tla ba ka go lena, go fihla pheletšong, gomme mediro ye A e dirilego le tla e dira le lena.’”

28 Gomme Mna. Reidhead o rile go nna, o rile, “Ngwanešu Branham, ke be ke sa tsebe ke reng.”

O rile, “Gobaneng, Jesu o tsogile go tšwa bahung!”

29 O rile, “O bile le mengwaga ye dikete tše pedi go e netefatša, gomme diphesente tše masomesenyane tša lefase ga ba tsebe e ka ba eng ka yona.” O rile, “A nke Mohammed a tsoge, gomme lefase ka moka le tla e tseba ka diiri tše masomepedi nne.” Yeo ke nnete. Ge nkabe le bile lebitleng la gagwe, ba bangwe ba lena baromiwa, diiri tše dingwe le tše dingwe tše nne ba fetola mohlapetši wa pere kua, pere ye tšhweu, gore o tla e namela go theoga, lefase, ge a tsoga go tšwa bahung.

30 “Eupša ga ra swanela go letela Jesu go tsoga go tšwa bahung. O šetše a tsogile go tšwa bahung.”

31 Kafao o rile, “E netefatše. O e tshepišitše, ge a tsogile go tšwa bahung.” Kafao o rile, “Gabotse, o tseba bjang?”

O rile, Mna. Reidhead o rile, “O phela ka pelong ya ka.”

32 Gomme o rile, “Gomme Mohammed o phela ka pelong ya ka.” O rile, “Mna. Reidhead,” o rile, “Bodumedi bja Mohammedan bo ka tšweletša feela bontši bja saekolotši bjalo ka Bokriste.”

33 O rile, “Nako yeo ke ragile lerole, Ngwanešu Branham, bjalo ka Mokriste yo a fentšwego. Gomme ke tshepišitše nnamong gore ke tla tla, go bolela le wena.” Le a bona?

34 Gobaneng, Beibele yela yohle e šušumeditšwe. Modimo o šetša godimo ga Lentšu la Gagwe. Modimo o swanetše go ahlola lefase letšatši le lengwe.

35 Gomme ge A eya go le ahlola ka kereke, ke kereke efe A tla le ahlolago ka yona? Ge A le ahlola ka kereke ya Katoliki (lena Katoliki le tla bolela bjalo), ke kereke efe ya Katoliki, gona, Orthodox ya Segerika, ya Roma, goba efe? Ge A le ahlola ka Baptist, lena Methodist le lahlegile. Ge A le ahlola ka Methodist, lena Baptist le lahlegile. O le ahlola ka Pentecost, bobedi le lahlegile. Le a bona? Ga a ye go le ahlola ka kereke e ka ba efe.

36 O ya go le ahlola ka Jesu Kriste, gomme Jesu Kriste ke Lentšu. Mokgethwa Johane, tema ya 1, e rile, “Mathomong go be go le Lentšu, gomme Lentšu le be le le go Modimo, gomme Lentšu e be e le Modimo. Gomme Lentšu la dirwa nama gomme la dula magareng ga rena.” Ka fao, O tla le ahlola ka Jesu Kriste, gomme Yena ke Lentšu. Beibele e rile, “O a swana maabane, lehono, le go ya go ile.”

37 Modimo ka go ba mohlokamagomo, mathomong, ka bohlale bja Gagwe bja tlhokamagomo, tsebo ya Gagwe, o arotše Ebangedi ya Gagwe ka go lebaka le lengwe le le lengwe. Re hwetša gore dikereke di Le dira le hlakahlakane gohle, gomme morago Modimo o romela moprofeta wa Gagwe go lefelotiragalo. “Gomme Lentšu la Morena le tla go moprofeta.” Ba tseba bjang ke lona? Ke bohlatse bja mo—mo Molaetša wa lebaka leo. Bjale, ge, eng. . .

38 Ge Moshe a tlike, bjalo ka ge go tshepišitšwe gore o tla tla, go ka reng ge a ka tla ka molaetša wa Noage? O be o ka se šome. Moshe o be a ka se kgone go aga areka bakeng sa go phološa batho. Lentšu la Modimo le le bego le tshepišitšwe go lebaka la Moshe e be e le Lentšu le le bego le swanetše go hlatselwa.

39 Ka go lebaka la mmoni yo mongwe le yo mongwe le moprofeta yo mongwe le yo mongwe, go bile go swana, eupša re hwetša batho ba phela ka leutung la seetša se sengwe. Bjalo ka ge Jesu a rile, “Le takile maboto goba mabitla a baprofeta, gomme ke lena le ba beilego ka kua.” Le a bona? Le a bona, ba aga se sengwe, godimo ga molaetša, le go phela ka leutung lela la seetša sela, le go gana go sepela ka seetšeng se e lego sa letšatši.

40 Ke ka baka leo ba gannego go tseba Jesu Kriste ge A tlike. Ke ka baka leo Jesu a ba hlohleeditšego, a re, “Puruputšang Mangwalo, ka gore ka go Wona le nagana le na le Bophelo bjo Bosafelego, gomme Ke Wona a pakago ka Nna.” Eupša ba be ba na le dithutotumelo tše ntši kudu le dilo, le metlwae ya bona, go fihla Jesu a rile, “Le dirile Lentšu la Modimo la go hloka maatla, ka metlwae ya lena.” Gomme yeo ke tsela ye go bilego ka go lebaka le lengwe le le lengwe.

Modimo o tla ahlola lefase ka Jesu Kriste.

41 Gomme makga a mantši, le a bona, se e lego sona, rena batho re leka go ba le tlhathollo ya rena beng ya Lentšu, go re, “Mareka 16, go tloga go temana ya 9 go ya pele, ga se ya šušumetšwa.”

42 Gobaneng E se ya šušumetšwa? Modimo ga a nyake mohlatholli yo a itšego. Yena ke Mohlatholli wa Gagwe mong. Modimo o dira tlhathollo ya Gagwe mong. Gomme Beibele e rile, “Lona ga se la tlhathollo ya sephiri.”

43 Modimo o rile, mathomong, “A go be seetša,” gomme gwa ba seetša. Seo ga se hloke tlhathollo.

44 O rile, “Kgarebe e tla ima,” gomme e dirile. Seo ga se hloke tlhathollo ye e itšego. O e dirile. Le ge, ge a e dirile, ka nako ye a e dirilego, batho ba be ba tletše thutotumelo kudu go fihla ba sa e kwešiše. E ile thwi ka godimo ga dihlogo tša bona.

45 E dirile seo ka go nako ye nngwe le ye nngwe, gomme e tla se dira gape. Bjale, re a hwetša, yeo ke nnete. Batho ba dira seo. Kriste le kereke. . . Re a hwetša, ka go letšatši le re phelago ka go lona, ga go selo sa go fapana go tloga go letšatši e ka ba lefe le lengwe. Batho, kereke, ka mehla ba tumiša Modimo bakeng sa se A se dirilego, gomme ka mehla ba bolela se A yago go se dira, le go nyefola se A se dirago. Yeo ka mehla e bile histori ya kereke, gomme ke tsela ya go swana bošegong bjo. Ke ka baka la gore diteori tša madirwakemotho di tsena ka go Lona le go Le dira lohle le hlakahlakane. Gomme ge Lentšu la therešo le ipolelela ka Bolona, le a bona, ba tletše thutotumelo kudu, go fihla ba foufaditšwe bjalo ke leutu lela, ga ba kgone go Le amogela.

46 Gobaneng, lebaka leo Malutheran, gore Mamethodist, ge lena batho ba Methodist...Mošemane yo mokaone yo wa Methodist, mo, o sa tšwa go opela lebakana la go feta. Ge mošemane yola, le...Lebaka e be e le eng? Le a bona, Malutheran ba be ba phela ka leutung la Luther, gomme ke ka baka leo molaetša wa Methodist o sego wa ya godimo gabotse. Gomme ge Mapentecostal ba etla mmogo, bohle ba be ba phela ka leutung la Mamethodist, go fihla Mapentecostal ba etla mmogo. Eupša, le a bona, sohle se, ge le ka no lebelela ka go Lengwalo, šetšang mabaka a kereke le se le lengwe le le lengwe le tla se dirago, le tla hwetša thwi moo re phelago. Re phela ka go lebaka le.

47 Bjale, godimo ga motheo wa tshwaswalatšo ye, kudukudu, ya Lentšu la Modimo, ke nyaka go tšea sehlogo se bošegong bjo, le go se bitša: *Tsheko*.

48 Jesu ga se a hwetša tsheko ya maleba mo matšatšing a Herode, mo matšatšing a Pilato. Eupša, ka letšatšing le, ke nyaka go bona, bošegong bjo, ka go sehlopha se sennyane se sa batho, ge le ka dula le nna, ke nyaka go bona gore O hwetša tsheko ya maleba. Gobane, O sa le Lentšu. O sa le Lentšu. Ke ba bakae ba dumelelanago le seo? “Mathomong go be go le Lentšu, gomme Lentšu le be le le go Modimo, gomme Lentšu e be e le Modimo.” Gomme Lentšu e sa le Modimo. “Gomme O a swana maabane, lehono, le go ya go ile.” Kafa, a re boneng gore O ne tsheko ya maleba.

49 Bjale, ke ya go dira se boka kgorotsheko, ge le ka no nkgotlelela. Ke a tseba e kwagala mohuta wa go se tlwaelege, eupša re no ba kopano ye nnyane mo bjale, gore re nyaka go tliša Lentšu le, le ke tleleimago ke Lentšu la Modimo. Gomme ke mo go Le šireletša. Gomme bjale, re ya go le tliša tshekokong ya kgorotsheko, feela tlwa boka go bile matšatšing ge Herode a Mo fa tsheko, goba Pilato, pele ga kgorotsheko ya Pilato. Re ya go Mo tliša pele ga kgorotsheko kamoreng ye ya Ramada, 1964 ye, Aporole masomepedi šupa, 1964.

50 Bjale re ya go dira ye kgorotsheko. Gomme o moahlodi le lekgotla la baahlodi; wena, kgorotsheko. Ke tla ba motereita. Gomme re ya go dira ye bjalo ka tsheko ya kgorotsheko. Gomme mafelelong, o dira sephetho sa gago, bjalo ka e ka ba lefe—bjalo ka ge lekgotla la baahlodi e ka ba lefele le swanetše go dira sephetho sa lona bakeng sa kahlolo. Gomme ka gona tiro ya gago, go tloga ka morago ga fa, e tla netefatša se kahlolo ya gago e lego sona. Ga go kgathale se o se bolelago bjale, tiro ya gago e tla netefatša kahlolo ya gago. Bjale, taba ke, lehono, bagwera . . .

51 Ke ya go dira bjalo ka motereita, bjale, gomme go swana le ge go bile ka go molato wa kgonthe wa kgorotsheko, le go Mo sekiša, ge le ka nkgotlelela dinakwana di se kae le go nthapediša.

52 Bjale, molato ke, Lentšu la Modimo le thulanong le lefase, lefase le le sa Le dumelego. Gomme molato ke: Lentšu la Modimo le thulanong le lefase. Se—se sehlola bakeng sa peomolato, ke, go roba tshepišo. Ke, go roba tshepišo ke sehlola bakeng sa molato wo.

53 Gomme bjale, ke kwešiša gore ka go tsheko ya kgorotsheko ya mehleng, gore moemedi motšhotšhisi ka mehla o emela mmušo. Ke nagana yeo ke nnete. Ka lefelong le, moemedi motšhotšhisi o emela lefase. Gomme moemedi motšhotšhisi ke Sathane, gomme o emetše lefase ka go kgorotsheko ye fa morago ga sekgalela se.

54 Gomme Mosekišwa ke Modimo, Lentšu la Gagwe, ka gore Modimo ka mehla ke Lentšu. Le a bona?

Gomme Hlatse ya boitšhireletšo ke Moya wo Mokgethwa.

55 Gomme hlatse ya moemedi motšhotšhisi ke Mna. Mosedumele, Mna. Magononi, le Mna. Mofelapelo. Ba bararo ba ba tla godimo bjalo ka hlatse bakeng sa moemedi motšhotšhisi, e lego Sathane, yo a emelago lefase.

56 Bjale a re biletšeng kgorotsheko ye go tšielala. Gomme bjale a re bitšeng motšhotšhisi, a nke a bitše hlatse ya gagwe ya mathomo go ema, go paka kgahlanong le Lentšu.

57 Gomme bjale theetšang sekgauswi. Bjale, nka no se kgone, go itlhaganela, go leka go fetša ye mo metsotsong ye masometharo goba masomenne, Nka no kitima ka godimo ga se sengwe. Eupša ge nka dira, a nke Moya wo Mokgethwa o e utolle bjale, bjalo ka ge kgorotsheko e bileditšwe go tšielala.

Elelwang, lena le bobedi moahlodi le lekgotla la baahlodi.

58 Gomme bjale motšhotšhisi o bitša hlatse ya gagwe, hlatse ya mathomo, go ema, go paka. Gomme o bitša Mna. Mosedumele, gomme o tšea lefelo, go paka. Gomme Mna. Mosedumele o tleleima gore Lentšu lohle la Modimo, la ditshepišo tša Modimo, ga se therešo. Bjo ke boipelaetšo bja gagwe, gore Lentšu la Modimo le ka se kgone go tshepša, Lona lohle. “Karolo ya Lona e gabotse. Eupša Lona lohle. . .” O tleleima gore ke yena modumedi, Mna. Mosedumele. Eupša o tleleima gore ke yena modumedi, gomme o a bolela, gore, “Lentšu lohle la Modimo le ka se kgone go tshepša. Ga se therešo.”

59 O tleleima gore o etela ye e bitšwago kopano ya Moya wo Mokgethwa, moo batho ba bego ba tleleima Mareka 16 go ba Therešo. Gomme batho ba bantši ba tleleimile gore ba fodišitšwe, ge, moo E bolelago ka go Mareka 16, “Ba tla bea diatla go balwetši, gomme ba tla welwa ke maruru.” Gomme monna yo o bolela gore o tleleimile gore o dumetše Modimo. O theeditše yo a bitšwago moreri wa Moya wo Mokgethwa, gomme o . . . sehlopha se sa Moya wo Mokgethwa seo se bego se e fa mehuta yohle ya mabopaki.

60 Gomme o be a babja ka mmeleng wa gagwe, gomme o bile le batho go bea diatla godimo ga gagwe ka kopanong ye ya Moya wo Mokgethwa. Gomme e bile dikgwedi tše pedi tša go feta, gomme ga go selo se tee se diregilego go le bjalo. O no babja bjalo ka ge a bile nako yeo a bilego le diatla di beilwe godimo ga gagwe. Ga se a fetoga, nthatana e tee. O no babja bjalo ka ge a bile. Kagona, o bolela, gore, “Modimo ga se a loka, go bea Lengwalo le le bjalo ka leo ka Beibeleng, ge A se a lekanela go le thekga. Ga se gwa loka go Mareka 16 go ba ka Beibeleng,” gobane o netefatša gore Modimo ga a boloke Lentšu la Gagwe. Gomme o nyaka go bea Modimo molato bakeng sa go bea tshepišo ye bjalo ka yeo ka go Lentšu la Gagwe. Go lokile. Re tla ba le yena a fologe.

61 Gomme bjale re tla ba le Mna. Mogononi go tla godimo go latela, go paka. Mna. Mogononi o tšea lefelo. Gomme o bolela gore o tla bolela therešo. O tleleima gore ke yena modumedi. Gomme o rile o be a babja nako ye telele, gore go se itekanele ga gagwe go tšwa go bolwetši bjo bogolo bjoo a bilego le bjona. Gomme ka gona o kwele yo mongwe a paka mo mokgotheng, ka go ba le modiša wa bomodimo. Gomme modiša yo wa kereke ye o rerile le go bolela gore, Jakobo 5:14, “Ge go ka ba e ka ba mang magareng ga lena, a babjago, a nke ba bitše bagolo ba kereke. A nke ba ba tlotše ka oli le go ba rapelela. Thapelo ya tumelo e tla phološa molwetši, gomme Modimo o tla ba tsoša. Ge ba dirile sebe se se itšego, se tla lebalelwa bona. Ipoleleng diphošo tša lena, yo motee go yo mongwe. Gomme rapelelanang seng sa lena, gore ya lena ye maatla, thapelo ya tlhokofalo ya monna wa moloki e fenyja kudu.”

62 Gomme o boletše gore o ile godimo kua, bjalo ka modumedi. O nyaka go botša kgorotshoko ye se, gore, “Ke ile godimo kua ka tlhokofalo yohle, gomme ke bile le yo a bitšwago modiša wa bomodimo wa kereke ye, yoo ba bantši ba tleleimilego gore, ge a ba tlotitše ka oli le go ba rapelela. Gomme modiša o boletše, yenamong, gore Modimo o arabile Lentšu lela, gomme Lentšu lela la Jakobo 5:14 e be e le therešo. Gomme go be go le ba bantši ba paka gore e be e le therešo.” Eupša o ile godimo, gomme modiša, monna wa bomodimo, o mo tlotitše ka oli, go ya ka Jakobo 5:14, o mo rapeletše. Gomme yeo e bile dikgwedi tše tshela tša go feta, gomme ga se a be le dipelo e ka ba dife, le gatee. O no babja bjalo ka ge a bile kua mathomong.

63 Kafao, Mna. Mogononi o bolela gore Yeo e ka se be therešo. “Mareka 16 ga se therešo, gomme le Johane ga se yona, ke—ke Jakobo 5:14. Ga se therešo, ka gobane Modimo o šitwa go boloka Lentšu la Gagwe. Ge le e le Lentšu la Modimo, gona Modimo o šitwa go boloka Lentšu la Gagwe, ka baka la gore, ka tlhokofalo, bjalo ka modumedi, o ile le go dumelela modiša, yoo ba bangwe ba tleleimilego ba fodišitšwe ka yena, go mo tlotša le go mo tšea go kgabola mosepelo wa go swana wo a dirilego ba bangwe. Gomme, dikgwedi tše tshela tša go feta, gomme ga se

ba be le nthatana e tee ya dipoelo tša nako e ka ba efe. Kagona, gape o nyaka go tliša peomolato kgahlanong le Modimo, go bea ditshepišo tše bjalo tša phošo ka go Lentšu la Gagwe, tseo A ka se di emego ka morago.”

⁶⁴ Re hwetša molato kgonthe fa, a ga re? A nke a fologe, Mna. Mogononi.

⁶⁵ Bjale, hlatse ya go latela ke Mna. Mofelapelo. Ke legwaragwara. Bjale o ya go gatela godimo, gomme o ya go fa bopaki bja gagwe. Gomme o tšea maemo, gore, letšatši le lengwe ge a bala Ebangedi ya Mareka, tema ya 11. . . E sego ya 16, bjale. Tema ya 11, temana ya 22 le ya 23, gore e balega ka mokgwa wo, “O re go thaba ye, ‘Šuthišwa,’ gomme o sa dikadike pelong ya gago, eupša o dumela gore se o se boletšego se tla tla go phethega, o ka kgona go ba le se o se boletšego. Gomme ge le rapela, dumelang gore le amogela se le se kgopelago, le tla ba le sona.”

⁶⁶ O rile o be a golofetše maotong a gagwe, a sepela godimo ga dikota lebaka la e ka ba mengwaga ye masomepedi tlhano. Gomme ge re bala Lengwalo le, gomme o rutilwe ke modiša wa gagwe—wa gagwe, gore Lengwalo lohle le filwe ke Modimo gomme le be le šušumeditšwe. Kagona, ge a rile go thaba ye, “Šuthišwa,” gomme a se belaele, eupša a dumela gore se a se boletšego se tla direga, a ka ba le se a se boletšego. Gomme ge a rapetše, go dumela gore o amogela se a se kgopetšego, se tla fiwa go yena.

⁶⁷ Bjale, o re o rapetše, gomme ka tlhokofalo yohle. Gomme o boletše gore o tla kgona go bea mahlotlo a gagwe fase le go sepela go tloga lefelong leo. Gomme yena, ka go botega, ka pelo ya gagwe yohle, o dumetše gore se a se boletšego se be se lokile. Gomme o. . . Seo se ka be se bile e ka ba mengwaga ye mehlang ya go feta, gomme o no ba segole bjalo ka ge a kile a ba. “Bjale, ge Modimo gona,” o re, “o tla boloka Lentšu la Gagwe, gona gobaneng A sa boloke Lentšu la gagwe?”

⁶⁸ Bjale, ke no fa feela ditsela tše tharo tša Lengwalo fale, goba dihlatse tše tharo, eupša ke ya go dumelela ramolao wa go tšhotšhisa a bitše ba bangwe gape. Bjale re tla dumelela. . .

⁶⁹ Mna. Mosedumele, o pakile. Mna. Mogononi, o pakile. Mosedumele o pakile; Mareka 16. Gomme Mna. Mogononi o pakile kgahlanong le Johane, goba Jakobo 5:14.

⁷⁰ Gomme Mna. Mofelapelo, o pakile kgahlanong le Mareka 11, Jesu Yenamong a bolela. Gomme Mareka 11:22 le 23, o pakile kgahlanong le seo. Bjale re ya go kgopela Mna. Mofelapelo go gatela fase.

⁷¹ Bjale, bjalo ka ge re na le bohle, ka mokgwa wo mongwe goba wo mongwe, re bile ka dikgorongtshoko. Bjale, motšhotšhisi o swanetše go rebethela molato wa gagwe. Kafao motšhotšhisi o tla godimo, go rebethela molato. Yo a emelago (ntshwareleng) lefase,

Sathane, o tšea maemo. Kafao o a tleleima, go kgorotsheko ye, morago ga sekgalela se, goba mantšiboa a. O nyaka... Motšhotšhisi, diabolo, o nyaka kgorotsheko ye go kwešiša gore banna ba ke badumedi, le gore Lentšu le gabotse le ngwadilwe ka go Lentšu, “Lentšu la Modimo, le bitšwago bjalo,” o a bolela, gore le le ngwadilwe. Gomme o tleleima gore e tšwa mafelong a go fapana ka Mangwalong. Gomme banna ba ke dihlatse gore ga go bjalo.

⁷² Gomme o nyaka go re go kgorotsheko ye, motšhotšhisi o a dira, gore o nyaka kgorotsheko ye go kwešiša gore Modimo ga se a loka, go bea ditšhepišo tše bjalo tša phošo bjalo ka tšeo, ka Pukung, go bana ba Gagwe ba ba dumelago go amogela; gomme ka gona ga A kgone go hlokomela, go hlatsela se A tshepišitšego gore O tla se dira. Gomme o ne dihlatse tše tharo fa. Gomme dihlatse tše tharo ke tiišetšo, bjalo ka ge re tseba, ka go Lengwalo lohle. Gomme o ne dihlatse tše tharo, go tšwa mafelong a mararo a go fapana ka Lengwalong, gore Modimo ga se a lokafatšwa go beeng dilo tše bjalo ka tšeo ka go Lentšu la Gagwe, kafao bana ba Gagwe ba go ratega ba tla lebelela go Lona, le go leka go Le amogela le go Le dumela boka A boletše, gomme morago Modimo o ba gobošitše, go tonya.

⁷³ Gape, o—o tleleima gore bana ba, ka tlhokofalo yohle, o dira se, batho ba, gomme ba fentšwe. “Bana ba go dumela ka therešo ba fentšwe ke Lentšu la Modimo, le le bitšwago bjalo. Gore ba tleleima dilo tše gobane go ngwadilwe ka Pukung, gomme yo mongwe gape o di lahletše ka go yona, gomme ga se Lentšu la Modimo. Gomme Beibele e ka se kgone go tshepša. Ka gore, mafelo a mararo a go fapana šea le mabopaki a mararo go netefatša gore Ke phošo.” Bjale o rebethela molato wa gagwe. Ka gore, yena, motšhotšhisi, o nyaka go šupa, go biletša šedi go kgorotsheko ye, gore banna ba mo ba amogetše Lentšu le ka tlhokofalo, ba dumela gore e be e le Lentšu la Modimo, gomme Modimo o šitilwe ke go hlompha tumelo ya bona.

⁷⁴ Go ya pejana, o nyaka go tleleima gore ke badumedi, ka gore ba re ke bona badumedi. Efela, gape, motšhotšhisi o nyaka go retologa, go biletša šedi go kgorotsheko ye morago ga sekgalela se. Efela Modimo o tshepiša gape, ka go lefelo le lengwe ka Lengwalong, gore dilo tšohle di a kgonega go bona bao ba dumelago. Gomme go ngwadilwe. Yeo ke taba ye nngwe. Dilo tšohle, ga go kgathale se e lego, dilo tšohle di a kgonega go bona bao ba dumelago. Gomme banna ba ba tleleima go ba badumedi. Ke nyaka kgorotsheko go kwešiša, motšhotšhisi mo maamong bjale o rebethela molato.

⁷⁵ “Efela, gape, O tleleima go ba a phela ka morago ga lehu la Gagwe, gore Jesu o tleleima go ba a phela ka morago ga lehu la Gagwe. Gomme motšhotšhisi o nyaka go botšiša kgorotsheko ye, a le Mmone morago ga ge A tsogile go tšwa bahung? Mabadi a dipikiri diatleng tša gagwe a kae? Mphaphahlogo wa meetlwa wo

o beilwego godimo ga Gagwe o kae? Mengwapo e kae phatleng ya gagwe? Gomme O kae, ge A tsogile go tšwa bahung?”

⁷⁶ Gomme ka gona, “Gape, O bolela ka go Baheberere 13:8, gore, Lentšu la Gagwe le bolela gore O a swana maabane, lehono, le go ya go ile. Motšhotšhisi o nyaka kgorotsheko ye go eelwa seo. Gona ka . . . O kae Yena, ge A le gona?” O nyaka go Mmona. Gape, o tleleima gore ga go bjalo. O tleleima gore Luka 17:23 ga e bjalo. O tleleima gore Kutollo 3 ga e bjalo. O tleleima gore Mareka 4 ga e bjalo. O tleleima Mangwalo a ohle a tsogo ya Gagwe, gore ka phethagalo ke maaka. O nyaka go šupetša seo, gore ke maaka.

⁷⁷ “Gomme gape O tleleima gore mmogo magodimo le lefase di tla feta, eupša ga go le mothalwana o tee goba khutlo e tšwago go Lentšu la gagwe e ka tsogego ya šitwa.” Gomme motšhotšhisi o nyaka le kwešiše, kgorotsheko, morago ga sekgalela se gore o ne dihlatse fa go netefatša gore ba phošo. Bjale, o kgopela kgorotsheko go ela se hloko, ge re sa nagana.

⁷⁸ Bjale, re kgopela motšhotšhisi bjale ge a feditše go rebethela molato wa gagwe, a tsopola Mangwalo; a tleleima gore Wona ga se nnete, dihlatse gore Wona ga se nnete, gore Wona ga se a šušumetšwa. “Wona ga go selo go Wona. A ka se kgone go tshepša. A ka se kgone go tshepša.” O na le dihlatse go netefatša gore Wona a ka se kgone go tshepša. Bjale re na le molato ka nnete godimo ga seatla sa rena.

Bjale, a re dumeleleng motšhotšhisi le dihlatse tša gagwe di dule fase.

⁷⁹ Bjale re tla bitša Hlatse ya boitšhireletšo, e lego Hlatse ya boitšhireletšo e nago le tokelo go paka go . . . goba bakeng sa mosekišwa. Gomme bjale Hlatse ya boitšhireletšo, e lego Moya wo Mokgethwa, a re beng le Yena a gatela godimo, le go kwa bopaki bja Gagwe.

⁸⁰ Selo sa pele, bjale, bjalo ka ge le kwele se motšhotšhisi a se boletšego. Le kwele se yena, dihlatse tša gagwe di se boletšego. Le kwele Mangwalo. Le a kwele a balwa. Gomme dihlatse šedi, gore Wona ga se therešo.

⁸¹ Bjale, Moya wo Mokgethwa, bjalo ka ge ke bolela, e lego Hlatse ya boitšhireletšo, O beditšwe. Selo sa pele, O nyaka go bitša. . . Hlatse ya boitšhireletšo, Moya wo Mokgethwa, o nyaka go biletša go molato wa kgorotsheko ye, gore motšhotšhisi ga a hlatholle Lentšu, ka maleba, go lena. O nyaka go bitša šedi ya lena, gape, gore motšhotšhisi yo a le fago tlhathollo ya Lentšu, yoo a emetšego lefase le gosedumele, ke mohlatholli wa go swana yoo Efa a bilego le yena mo mathomong. Uh-huh. O hlathollotše Lentšu ka phošo, feela gannyane nthatana.

⁸² Bjale, nka no ema fa, ka kgorongtsheko, feela nakwana, go bolela se. Ge Modimo a hlotše bolwetši bjohle bjo le manyami le lehu godimo ga lefase, ge A be a swanetše go e dira ka baka la toka ya Gagwe, go boloka Lentšu la Gagwe, A ka se kgone

go ba wa toka gomme a se boloke Lentšú la Gagwe. O swanetše go boloka Lentšú la Gagwe, go ba wa toka. Go swanetše go bokgethwa bja Gagwe. Go Mo swanetše. Gomme ge Efa, e sego feela. . .

⁸³ Sathane ga se a ke, motšhotšhisi ga se a ke, o hlatholla selo sohle ka go fošagala. O ile a no hlatholla Lentšú ka go fošagala, goba bjalo, gomme le dirile lehu go ratha lefase ka moka. Gomme sepetlele se sengwe le se sengwe, saerini ye nngwe le ye nngwe e kilego ya lla, lehu le lengwe le le lengwe—le lengwe le le lengwe le le kilego la hwiwa, go katana go gongwe le go gongwe, monna yo mongwe le yo mongwe lepatlelong la ntwa, le lengwe le le lengwe la go šokiša, le lennyane, la go babja, lesea la go tlaišega, le bohle, le hlotšwe ke gosedumele feela Lentšú le tee la Lentšú la Modimo. Gomme ge go hlotše sohle sa se, bakeng sa gosedumele Lentšú le tee, o ya go boela bjang morago, o sa dumele Lentšú le tee?

⁸⁴ Go swanetše go ba se sengwe seo Modimo a swanetšego go ahlola lefase ka sona, gomme yoo ke Jesu Kriste, Lentšú. Re swanetše go Le dumela lohle.

⁸⁵ Hlokomelang. O boletše gore—gore, “Banna ba ba be ba theeditše tlhathollo ya go fošagala ya Lentšú. Motšhotšhiši ga a. . . o Le hlatholla ka go fošagala, o—o Le hlatholla ka go fošagala, go lena, go no swana le ge a dirile go Efa. Tshepišo ke feela go badumedi; e sego baitirabadumedi, bagononi, goba batho ba go se kgotlelele. Ke feela go badumedi.” Gomme ge. . .

⁸⁶ A nke ke bolele se. Ge go na le e ka ba mang a ka tsebago ge eba baisesa ba ke badumedi goba aowa, e swanetše go ba Hlatse ya boitšhireletšo, gobane Yena ke mophediši wa Lentšú. Le a bona? O. . . Go no swana le mmele wa gago, mmele wa gago ke seripa sa nama. Eupša ntle le ge moya o le ka kua, go phediša mmele wola, o hwile. Gomme Lentšú le bjalo, le hwile, ntle le ge Moya wo Mokgethwa o phediša Lentšú lela. Gomme ge A le mophediši wa Lentšú, O swanetše go tseba ge eba baisesa ba ka kgonthe ke badumedi goba aowa. Ke nagana gore re na le Hlatse ye botse ya boitšhireletšo. O swanetše go tseba ge eba Ke therešo goba aowa. Ka baka la gore. . . O dira Hlatse ye botse ya boitšhireletšo ka baka la gore Ke mophediši wa Lentšú.

⁸⁷ Gape, Hlatse ya boitšhireletšo e nyaka go bitša šedi ya—ya Lentšú leo le lego potšišong fa, leo re sa tšogo le bala, leo motšhotšhisi a lekago go hwetša molato wa peomolato kgahlanong le Lentšú. Hlatse ya Boitšhireletšo e nyaka go bitša šedi ya lena, gore ga se la ke la bea nako ye e itšego bakeng sa khunologo. Ga se nke A bolela neng. O nno re, “Ba tla bea diatla godimo ga balwetši, gomme ba tla welwa ke maruru.” Ga se A re ba tla tabogela godimo thwi nako yeo. Lentšú ga le bolele seo. Jakobo 5:14 e rile, “Ge o tlotišwe ka oli,” o rile, “thapelo ya tumelo e tla phološa molwetši, gomme Modimo o tla ba tsošetša

godimo.” Ga se ya re ba tla tabogela godimo thwi nako yeo. Ga se ya bolela. Mareka 16 ga se ya re ba tla bea diatla godimo ga balwetši gomme go tla ba mohlolo o dirwago. O nno re, “Ba tla welwa ke maruru.” E e tshepišitše.

⁸⁸ Bjale, bonang ge eba go bile ba bangwe ba basedumele ba ba hlathollotšego Lentšu ka go fošagala go lena, ba re, “Gabotse, yo o rapeletšwe. Gobaneng ba se ba tsoga? Ke be ke le kopanong. Ga se nke ka bona selo se direga.” Le bona mohlatholli yola ba nago le yena? Le bona se ba se theeditšego?

⁸⁹ Hlatse ya boitšhireletšo e nyaka go bontšha kgorotsheko ye, morago ga sekgalela se, gore Lentšu ga se la re ba tla tabogela godimo thwi nako yeo. Le rile, “Ba tla welwa ke maruru.” Seo ke se A se tshepišitšego. Ga se A tsoge a bea nako e ka ba efe ye e itšego. Gomme seo e bile feela go badumedi.

⁹⁰ Gomme Hlatse ya boitšhireletšo gape e nyaka go bitša šedi ya lena mo, morago ga sekgalela se ka kgorongtsheko ye, gore Lentšu la Modimo le boletšwe, ke Jesu Kriste, go ba Peu. Gomme peu e kgona feela go mela ge e wela ka go mobu wo o nonnego wa go lekanela go phediša peu. Gomme ge Peu ye e wela ka mobung, gomme e nonne ka tumelo, le swanetše go E phediša. Eupša ge go se selo fao . . .

⁹¹ Go no swana le ge o be o nyaka tšhelelo ya madi. O ile go thenipi, o hlometše tšhupu ka go wenamong le ka go thenipi, o ya go hwetša bjang madi e ka ba afe? Ga go madi fale.

⁹² Gape Lentšu la Modimo le ka se tsoge la phedišwa ka pelong ya mosedumele goba mogononi. Le swanetše go wela ka go tumelo ya mmapale ye e dumelago gore magodimo le lefase di tla feta, eupša Lentšu lela le ka se tsoge la šitwa, boka Abraham, yoo a biditšego dilo tše di bego di se gona, o ka re di be di le gona; o holofetše kgahlanong le kholofelo. O dumetše Modimo.

⁹³ Bjale re hwetša gore Hlatse ye ya boitšhireletšo e nyaka go biletša se go šedi, gore Lentšu ke Peu yeo mobjadi a e bjetšego. Go ngwadilwe ka Lengwalong, gore Lentšu ke Peu. Gomme peu e swanetše go wa. Gomme Lengwalo le re, “Tše dingwe di wetše godimo ga mobu wa lekgwara, gomme dinyanya tša sebakabakeng tša e topa. Tše dingwe di wetše feela botelele go lekanela go hwetša medu ya go lekanela go tabogela godimo, gomme meetlwa le ditshehlo di di kgamile. Eupša tše dingwe di ile ka mobung wo mobotse, gomme e tlišitše pele makgolo a go menagana.” O nyaka go biletša šedi ya lena go seo.

⁹⁴ Gomme O nyaka go bolela, gore, “Ge Lentšu le, ka kopanong ye ya Moya wo Mokgethwa, moo batho ba bilego le diatla di beilwe godimo, le no ra go badumedi. Ga go tshepišo ka fa eupša karogano ya Gosafelego go tloga go Modimo, go basedumele. E no ba go badumedi!”

⁹⁵ Yo mongwe o rile go nna, e sego kgale kudu, o rile, “Ga ke kgathale ke bontši gakaakang. Ga ke dumele.”

96 Ke rile, “Ka kgonthe aowa. Ga se bakeng sa basedumele. Ke bakeng sa badumedi, bao ba dumelago.”

97 Bjale, dihlatse tša boitšhireletšo, Hlatse ya boitšhireletšo, a ke re, e duma go bitša hlatse. O ne tokelo go bitša dihlatse, le yena. Kafao Hlatse ya boitšhireletšo e duma go bitša hlatse ya Gagwe ya mathomo kgahlanong le se, le bakeng sa Lentšu.

98 Re ya go biletša Noage sefaleng, morago ga sekgalela se, pele ga kgorotsheko ye, go fa bopaki bakeng sa Mosekišwa. Noage o be a no ba molemi wa go tlwaelega, eupša o be a le moprofeta. “Gomme Lentšu la Morena le tla go baprofeta.” Beibele e boletše bjalo. Gomme Noage o phetše, o nyaka go paka gore o phetše ka go lebaka la saense kudu, le legolwane go feta le re phelago ka go lona bjale. O phetše mo nakong moo ba kgonnego go aga phiramiti, ba kgonnego go aga sefintsi, seo re ka se kgonego go se dira. Ga re na le dikgerekgere go e dira ka tšona. Gomme Noage o phetše nakong ye kgolo, gomme o phetše nakong ya saense.

99 Gomme ka gona o bolela gore Lentšu la Morena le tlile go yena, ka morago ga ge yena a bile moprofeta yo a hlatsetšwego, gore Lentšu la Morena le tlile go yena gomme la re, “Lokiša areka, ka gore e ya go na.” Gomme e be e sa nke ya ke ya na, ka go histori yohle ya lefase. Gomme godimo ga bopaki bja gagwe le bohlatse bja gagwe bakeng sa Modimo, gomme o rile Modimo o mmoditše bjalo, “Gomme bohle ba ba bego ba le ka ntle ga areka ye ba be ba tla senyega.”

100 Gomme borasaense ba kgonne go thunya ngwedi, ka letšatšing leo, ka ratara ya bona le go ya pele, gobane Jesu o rile, “Bjalo ka ge go bile ka matšatšing a Noage,” mohuta wa go swana wa lebaka. O boletše gore ba kgonne go netefatša gore go be go se pula godimo kua, le gore Mna. Mosedumele mo, le Mna. Mokweri, le Mna. Mogononi, gore kgafetšakgafetša ba mo hlomere le go dira metlae ka yena, go dumeleng selo sa phošo kudu. Ba be ba, ba tleimile go ba badumedi morago kua, eupša o rile, “Modimo ga se a bolela selo boka seo.”

101 Efela, o be a le moprofeta, gomme Lentšu la Morena le tlile go yena le go mmošša go e dira. Gomme o ile, a lokiša areka. O bile komana, le go aga areka. Ka morago ga ge a bile le areka e fedile; gomme Mna. Mogononi, le Mna. Mofelapelo, le bale ba sepela go dikologa areka.

Le a bona, o re, “A ba phetše morago kua?”

102 Theetšang, Modimo o tšea motho wa Gagwe, eupša e sego Moya wa Gagwe. Moya wo o bego o le godimo ga Eliya, o tlile godimo ga Elisa, le go ya pele go theoga, le go ya pele go theoga. Moya o be o le godimo ga Jesu, o tlile godimo ga Kereke, le go ya pele, le pele.

103 Gomme diabololo o tšea motho wa gagwe, eupša e sego moya. Moya wa go swana, moya wa bodumedi, o a phela thwi tlase, boka o bile go Bafarisei. O thwi mo ka Tucson, Arizona, go no se

dumele, gomme go no—go no ba thutotumelo le—le metlwae bjalo ka ge seo se bile. E sego feela mo ka Tucson; ke lefase tšekelele.

104 Gomme go bjalo ka Moya wo Mokgethwa o no ba kgontho bošegong bjo bjalo ka ge o bile nako efe kapa efe, Jesu Kriste.

105 Hlokomelang. O nyaka go bolela gore batho ba ba dirile metlae ka yena, go beng mo—mo—mo—mo motho wa go seleka, yo a bego e ka se sa ba le monagano gape gomme go se bohlae go feta go dumela gore meetse a be a tla wa go tšwa moo go sego meetse gona, gomme a sego a ke a wa. Eupša, efela, Noage o rile o swaretše go iketla le go dumela gore e be e tla na, gobane Modimo o boletše bjalo. O tsebile gore Modimo o be a kgona go dira e ka ba eng A rilego O be a tla e dira, kagona o agile areka.

106 Gomme ka morago ga ge areka e fedile, o dutše mojakong wa areka. “Gomme ba rile, ‘Bjale, wena lehlanya,’ Mna. Mosedumele, Mna. Mokweri. Hlatse ya boitšhireletšo. . . Goba, dihlatse tša motšhotšhisi.” O rile, “Ba fetile hleng le nna. Gomme ba rile, ‘Bjale areka ya gago e agilwe. Bjale o na le mabati a gago ka go yona. Gomme pula ya gago e kae?’ Eupša go lebegile gampe gabotse,” o rile, “mo dinakong. Eupša, efela, ke tsebile gore Modimo o be a kgona go boloka Lentšu la Gagwe. Ga se nke A re e ya go na neng. O rile e tla na. Gomme seo ke sohle se bilego go yona. Ga se nke A re e tla na neng. O nno re e ya go na. Gomme ke tsebile gore e be e eya go na, gobane O ntirile go aga areka. Gomme ke dutše go iketla.”

107 Gomme ka gona re hwetša gore, ka la lesome Mei, o ile ka arekeng, mosong wo mongwe, gomme lebati la tswalelwa ka morago ga gagwe, gomme ga go yo motee a bego a ka kgona go le bula.

108 Ka gona Mna. Mosedumele, Mna. Mogononi, ba sepetše go dikologa areka le go mo sega le go dira metlae ka yena, gomme ba rile, “Bjale, wena mouwane wa kgale, o tswaletše lebati lela, gomme ke a nagana o re letela go dumela gore Sengwe gape se le tswaletše. Re tseba manka a gago. Ga o fete ramaleatlana. Gomme o no ba yo mongwe mohuta wa baisesa ba mo mohuta ba ba lekago go bapala manka. Gomme ke mohuta tsoko wa bofora. Gomme o tswaletše lebati.”

109 “Eupša,” o rile, “gare ga tšohle tšeo, ke be ke le fao. Ke bone seatla sa Modimo se tswalela lebati.”

110 Ka gona, letšatši la pele, re tla re, “Re tla bona ge e ka na.” Letšatši la pele, ga se ya na. Letšatši la bobedi, ga se ya na. Letšatši la boraro, ga se ya na. Pele, go fihla letšatši la bošupa.

111 Gomme ke tla rata go ema fa, go bohlatse bja Noage, le go le dira le tsebe se, gore go tla tla nako yeo ge banna le basadi, kereke, e tla be e eya pele thwi e rera le go dumela ba a phološwa, ge lebati le tla tswalelwa feela boka go bile nako yela. Ge o se ka gare, tsena ka gare bjale, gobane Modimo o tla tswalela lebati gomme go ka se sa ba kgaogelo gape. O rile, “Bjalo ka ge go bile

ka matšatšing a Noage, go tla ba bjalo ka go tleng ga Morwa wa motho.”

¹¹² Elelwang, nako ye nngwe ebile le barutiwa ba rile go Jesu, “Gobaneng bamangwalo ba bolela gore Eliase o swanetše go tla pele?” bona barutiwa.

¹¹³ Jesu o rile, “O šetše a tlile gomme ga se le e tsebe.” Gomme ba kwešišitše e be e le Johane Mokolobetši; o be a šetše a bile mo lefaseng, gomme a šetše a kgaotšwe hlogo gomme a ile godimo Letagong. Gomme selo se ba bego ba se lebeletše se be se šetše se fetile.

¹¹⁴ Le lengwe la matšatši a, banna le basadi ba tla lla. Go tla ba kgole kudu, go tla ba thari kudu. Lebati le tla tswalelwa. Jesu o re go tla ba ka tsela yeo. “Dikgarebe di tlile gomme tša kokota lebating, gomme di rile, ‘Re dumelele re tsene.’ Ba be ba nyaka go hwetša ye nngwe ya Oli.” Eupša ba be ba swanetše go be ba hweditše Oli ge Oli e be e fiwa. Ba kokotile lebating. E rile, “Ba lahletšwe ka leswiswing la ntlentle moo go tla bago le go lla, go golola, le ditsikitlano tša meno.” Ke no leka go dira mothalo wola wo monnyane wa lehlakore la tšhireletšo, go kgorotsheko bjale, wa—wa Lentšu.

¹¹⁵ Bjale, Noage o rile, “Eupša morago ga mengwaga ye lekgolo le masomepedi, mosong wo mongwe maru a thoma go rotoga, gomme pula ya tla. Modimo o e tshepišitše. Ga se nke A bolela e be e tla direga neng. Ba naganne e be e eya go direga beke yela ya go swana yeo A mpoditšego. Gomme ke bile le kgopolo e be e ka direga beke yela. Gomme ke be ke na le nnete ge ke fetša areka gore e be e tla direga, eupša ga se ya direga. Eupša ke dutše go iketla gobane Modimo o dirile tshepišo. Ga se nke A bolela feela letšatši le e yago go na. O rile e be e tla na.” Kafao, yena, hlatse e gatela fase.

¹¹⁶ Hlatse ya bobedi e tla godimo, e lego tate Abraham. Re tla mmitša. O rile, “Oo, ee, ke tseba Mna. Mokweri fa. Ke—ke tseba Mna. Mosedumele, Mna. Mogononi, oo, Mna. Mofelapelo yola. Ke be ke le moprofeta, le nna, ka letšatšing la ka. Gomme Lentšu la Morena le tlile go nna gomme la re, ‘Ikaroganye wenamong go tloga go batho ba, gobane o ya go ba le lesea ka Sarah mosadimogatša wa gago.’ O be a le bogolo bja mengwaga ye masometshela tlhano, gomme ke be ke le masomešupa tlhano. O be a ka ba masomepedi tlhano, mengwaga ye masometharo go feta menophose. Ke mo nyetše. O be a le kgaetšedi wa ka wa seripa. Ke mo nyetše ge a no ba mosetsana, gomme nna mošemane. Phapano ya mengwaga ye lesome ka go mengwaga ya rena, gomme ke mo nyetše. O bile mosadimogatša wa ka. Re phetše mmogo mengwaga ye yohle, gomme o be a le moopa gomme ke be ke sa belegiše. Gomme efela, ka go ba moprofeta, Lentšu la Morena le tlile go nna gomme la re, ‘O tla belega ngwana ka Sarah.’”

117 “Gabotse, ge ke boditše Sarah seo, o ile tlase toropong gomme a hwetša ditšhwana tsoko go loga gomme a dira diputswana, le go lokiša diphini le se sengwe le se sengwe. Gomme matsatši a masomepedi seswai a fetile. Ke rile, ‘O ikwa bjang, hani?’”

118 “O rile, ‘Ga go phapano.’ Eupša ke swareletše go iketla, gobane ke tsebile e be e le Lentšu la Morena.” Yeo ke nnete.

119 “Re ile godimo go bona ngaka, gomme o re raketše ka ntle ga ofisi.” Mokgalabje, bogolo bja mengwaga ye masomešupa tlhano; le mosadi, masometshela tlhano, o ya go ba le le- . . .

120 Le a tseba, ge o tšea Modimo Lentšung la Gagwe, go sa kgathale gore seemo sa gago ke eng, O dirile tshepišo.

121 Gomme o rile, “Ke ile go ngaka, gomme ngaka o re rakile go tšwa ofising.”

122 “‘Mokgalabje boka wena?’ O rile, ‘Mo šetšeng. O tshereane gannyane ka hlogong ya gagwe.’ O rile, ‘Go ne se sengwe sa phošo ka moisa wa kgale.’”

123 Gomme bakweri ba thoma go sepela go dikologa, ba re, “Abraham, morwa yola o bego o eya go ba le yena ka Sarah o kae, morago ga kgwedi ya mathomo? Ga go selo sa phošo ka yena, kafao ba a mpotša.” Ngwaga wa pele o fetile. Ga se gona se diregilego. “Abraham, tatago ditšhaba, o na le bana ba bakae bjale?” Mengwaga ye lesome ya feta, go sa no se be go fapana. Bakweri!

124 “Mna. Mofelapelo, o tšwetšepile a šupa monwana wa gagwe go nna, ‘Le a bona, ga go selo go yona. Gobaneng, ge go na le se sengwe go yona, o ka be o bile le yona. Yeo ke mengwaga ye lesome ya go feta. O be o swanetše go ba le lesea lela, ka mengwaga ye lesome.’”

125 Eupša, o rile, “Ke swareletše go iketla, gobane ke be ke kgodišitšwe moka, seo Modimo a se boletšego. Modimo ga se a ke a mpotša gore ke be ke eya go ba le lesea lela neng. O rile ke be ke tla ba le lona.

126 “Eupša ka morago ga mengwaga ye masomepedi tlhano, ge ke be ke le bogolo bja mengwaga ye lekgolo gomme Sarah o be a le masomesenyane, lesea le tla go lefelotiragalo.” Ke hlatse ye botse kudu. “Ke letile mengwaga ye masomepedi tlhano. Ga se ka tsoge ka thetherega go tshepišo ya Modimo, ka gosedumele.”

127 Gomme re tleleima go ba bana ba Abraham, gomme ga re kgone go leta go tloga bošego bjo botee go ya go bjo bongwe. Go no netefatša ga re bona. Yeo ke nnete. Šetšang, re ya ka lehlakoreng la phošo.

128 “Le a bona,” o rile, “Ke letile mengwaga ye masomepedi tlhano. Modimo ga se a mpotša, ‘Kgwedi ya go latela Sarah o ya go ima.’ O rile, ‘O tla ba le lesea.’ Gomme ke be ke kgodišegile ka botlalo, ga go kgathale ke godile gakaakang. Gomme ke tsebile

gore ke be ke tla e bona e direga, gobane e be e swanetše go ba ngwana wa ka. Amene. Ga go selo se yago go nkgobatša. Botšofadi, bolwetši, lehu, goba ga go selo gape se ka kgonago go e dira, go fihla tshepišo yeo e phethagaditšwe. Gomme ga se ka thetherga go tshepišo, ka gosedumele.”

129 “Eupša letšatši le lengwe le le lengwe, ge Sarah a rile, ‘Ga ke ikwele bokaonana,’ ke ile ka tia kudu. Ngwaga wo mongwe le wo mongwe ge a rile, ‘Gabotse, ga se ke be le yona ngwaga wo.’ ‘Gona o tla ba le yona ngwaga wo.’ ‘Ga se ke be le yona ngwaga wa go feta.’ ‘Re tla ba le yona ngwaga wo.’ Seo se ile pele le pele, le pele le pele, ngwaga ka gare le ka ntle, lebaka la mengwaga ye masomepedi tlhano. Gomme letšatši le lengwe, ke mmone a boela morago bokgarebeng. Ke thoma go bona maatla a ka a etla. Gomme lesea le belegwe, mengwaga ye masomepedi tlhano moragwana.”

130 Lentšu ga se la ke la bolela gore o be a tla ba le lesea neng, eupša le rile o be a tla ba le lona.

131 “Abraham, ke a tseba o ka kgona go paka bontši, eupša theoga. Ke nyaka hlatse ye nngwe.” Go lokile.

132 Hlatse ya boitšhireletšo bjale e tla bitša hlatse ya Gagwe ya boraro. Yoo e tla ba Moshe. Gomme Moshe o rile, “Ge ke tswalwa, ke tswetšwe ke le moprofeta.” O nyaka le tsebe gore dimpho le dipitšo di ntle le tshokologo.

133 Ga go kgathale ke dipuku tše kae o di badilego go tšwa mabenkeleng a, yeo e bolelago gore Modimo ga a dire seo, Beibele e sa dutše e le therešo, gore, “Dimpho le dipitšo di ka ntle ga tshokologo.” O tswetšwe ka lefaseng le, se o lego sona.

134 Gomme bjale hlokomelang. Moshe, o bile le leswao, go ya tlase le go bontšha batho, gomme go be go le segalontšu go latela leswao lela. Efela, ge a ile tlase ka leswao le le filwego ke Modimo. Bjale, le se šitwe go hwetša ye, kgorotsheko. Ge a ile tlase ka leswao le le filwego ke Modimo leo le tšwago go Modimo, Modiša Farao o lekile go—go kgamathetša mpho ya gagwe ya go fiwa ke Modimo, ka go mo dira a re ke maletlana. O bile le yo mongwe a ka kgonago go dira selo sa go swana, ramaleatlana tsoko. Gomme a leka go dira leswao le le filwego ke Modimo la gagwe manka a maleatlana.

135 Modiša Bofarao bohle ga se ba hwa ka letšatšing lela, le a bona. “Mohuta tsoko wa go bala monagano, mohuta tsoko wa maatla a Sathane.” Gomme selo sa yona e bile, ba biditše boramaletlana ba go tšhipa gomme ba dirile sona selo sa go swana seo a se dirilego.

136 “Eupša,” o rile, “seo ga se sa ntšhišinyana, gobane ke a tseba gore Segalontšu se se boletšego le nna e be e le Segalontšu sa Lengwalo, ka mohlareng wola. O rile, ‘Ke kwele dillo tša batho ba Ka, gomme Ke bone tlaišego ya bona, gomme Ke gopola tshepišo ya Ka.’ Gomme Segalontšu . . .”

¹³⁷ Le ge, go be go arogile kudu ka letšatšing lela, bakeng sa selo boka seo go direga. Ba bile le mehuta yohle ya manka a maleatlana ba kgonneggo go a dira. Gomme Modimo o mo fa se sengwe, leswao, leo le bonalago o ka re e be e le mohuta wa maleatlana a go tšhipa, go leka mohlanka wa Gagwe. O Modimo! Eupša, o swareletše go iketla, gobane Segalontšu seo se mo romilego e be e le Segalontšu sa Lengwalo, gomme o tsebile E be e le Modimo.

¹³⁸ Gomme le a tseba, re tshepišitšwe selo sela sa go swana mo matšatšing a mafelelo, selo sa go swana go bušeletša gape, bona Jamboro le Jannese go tla morago, go emelana le Selo sa therešo ge Se šoma. Eupša bošilo bja bona bo tla dirwa go tsebja nako yeo. Ka . . .

¹³⁹ Kafao o lekile go tšea moekiši tsoko wa senama, yo mongwe yo a lekilego, o ile go dikologa le go leka go ekiša mpho ye Modimo a mo filego yona, go e dira e bogege boka e be e le mohuta tsoko wa seaparo sa go tšhipa.

¹⁴⁰ Eupša Moshe o nyaka lena bohle go tseba, morago ga sekgalela se, bjalo ka ge a paka, gore ga go kgathale gore modiša o lekile go dira mpho ya gagwe bjang gore e bogege boka moriti gore e be e le moriti le mohuta wo mongwe wa manka a go tšhipa a maletlana, o tsebile e be e le Mangwalo, gobane E be e le Segalontšu sa Modimo seo se mmoditšego. Gomme o eme go tia. Gomme o nyaka le . . . go le dira le tsebe, gore e bile nako ye telele ka morago ga fao, eupša Modimo o bolokile Lentšu la Gagwe, le go mo tliša thwi morago go lefelo moo A rilego o tla tla, le bana ba Israele.

Moshe, theoga.

¹⁴¹ A nke Hlatse ya boitšhireletšo e bitše hlatse ye nngwe. Gomme re ya go bitša Joshua. Joshua o na le bopaki bja go makatša mo, bjo a ka ratago go bo fa.

¹⁴² O homoditše batho, o boletše. Ge Moshe a bidityše, yo motee go tšwa go kerekeleina ye nngwe le ye nngwe, go ba romela ka kua go—go ya nageng ya tshepišo, go—go hwetša ge eba naga ka kgonthe e be e le gona goba aowa. Ba nno botšwa seo. Ka tumelo ba sepetše bokgole bjoo.

¹⁴³ Kafao Moshe o gogetše ntle Mopresbyterian, Molutheran, Mopentecostal, le bohle. O ntšhitše yo mongwe wa bona, yo mongwe le yo mongwe, gomme o ba išitše mošola go naga ya tshepišo. Gomme ge ba babedi ba bona ba bowa morago le bohlatse, le tseba se se diregilego? Sehlopha ka moka se thoma go e belaela. Ge ba bone kganetšo e be e le ye kgolo kudu, lehlakore le lengwe e be e le le legolo kudu, “Gobaneng,” ba rile, “re lebega boka ditšie, godimo lehlakoreng la bona, bona Baamaleke le—le Bahete, le go ya pele.” Gomme ba boletše, gore, “Rena—rena, gobaneng, re lebega boka ditšie. Re ka se kgone go e dira.”

144 Gomme Joshua o nyaka go paka, “Ke homoditše batho.” O rile, “Homolang,” ka Kadese-banea, setulo sa kahlole. O rile, “Homolang, lena bohle. A nke ke tliše la lena. . . Lentšu le, go lena. Modimo o re boditše, tlase mošola, ka Moshe le ka. . . goba ka Abraham, gore naga ye e be e le ya rena. O rometše Pilara ya Mollo magareng ga rena, yeo e boletšego le moprofeta wa rena fa ka sethokgweng se se tukago. Gomme se moprofeta yo a se boletšego e bile therešo. Gomme Modimo o re boditše O šetše a re file naga. Re ka godimo ga go kgona go e tšea, gobane e šetše e le ya rena.” O rile, “Ke homoditše batho, gomme ka ba homotša.”

145 Eupša le a tseba ke eng? E bile mengwaga ye masomenne moragwana pele ba tšea naga. Ba be ba le feela e ka ba leeto la matšatši a mabedi, go tloga Kadese, ba be ba le mošola ka nageng ya tshepišo.

146 A nka ema fa motsotso? Lena Mapresbyterian, Mamethodist, le Mabaptist, goba lena Mapentecostal, mengwaga ye masometlhano ya go feta re ka be re hweditše Naga ya tshepišo, eupša le ile la baka magareng ga lena seng, la dira mekgatlo ntle go tšwa lehlakoreng le tee, gomme yo motee *yo* a hwetša *wo*, gomme yo motee *yo* le go hwetša *wo*, le kutollo ye mpsha, sabakeng sa go latela Lentšu. Gomme bjale re bile mengwaga ye masometlhano ka lehlakoreng le Tshepišo ya go tlala.

147 Eupša, elelwang, e bile mengwaga ye masomenne, eupša Joshua o le nyaka bohle go tseba gore Modimo o bolokile Lentšu la Gagwe, ka moloko wo moswamoswa. O tšere naga ya tshepišo feela bjalo ka ge e tshepišitšwe, gobane o homoditše batho go Lentšu la Modimo, go ba dira ba tsebe gore Modimo o dirile tshepišo, gore moprofeta yo ba bego ba mo latela e be e se moprofeta wa maaka, gobane dilo tše a bego a di dira di be di le tlwa le Lengwalo. Ga go kgathale ka fao Farao a rilego e be e le maaka, ka fao boramaletlana ba lekago go re e be e le maaka, ka fao gore ba be ba kgona go dira selo sa go swana, gomme yo mongwe le yo mongwe a dira selo sa go swana.

148 Gomme Joshua o nyaka le tsebe gore go be go le monna ka kua, a nyaka go dira mekgatlo go tšwa go bona. Leina la gagwe e be e le Dathane, gomme yena le Kora. Gomme ba phagametše godimo, ba rile, “Go na le banna ba bakgethwa kudu go go feta.”

149 Modimo ga a tsoge a šomana le dihlopha. Ke motho ka motho. A ka se kgone go fetoga. Se Modimo a se dirago, lekga la mathomo, O swanetše ka mehla go dula a le yena yola wa go swana.

150 Fa, lebelelang. Sephetho sa mathomo sa Modimo go phološa motho e bile ka Madi a tšholotšwego a Yena mohlokamolato. Ga se ya tsoge ya fetoga. Modimo ga a tsoge a fetoga. Re lekile go ba agela ditoropokgolo. Re lekile go aga ditora. Re lekile go ba ruta. Re lekile go ba dira kerekeleina. Gomme re ya kgolekgole, nako yohle. Ke lefelo le tee feela moo motho a ka kopanelago,

leo ke ka tlase ga Madi a tšholotšwego a Yena mohlokamolato. Yeo ke tsela e nnoši re ka tsogego ra e dumela. Tsela e nnoši re ka kgonago go tla mmogo, ke ka tlase ga Madi a tšholotšwego a mohlokamolato. Modimo ga a tsoge a fetola tsela ya Gagwe. Modimo, ga go nako, a kilego a šoma eupša le motho ka motho o tee. A ka se go phološe gobane o Momethodist, goba gobane o Mopentecostal. O tla go phološa bjalo ka motho ka motho, e sego bjalo ka sehlopha. Ga A tsoge a dira seo. O phološa motho ka motho, yo motee, feela motho yo motee A šomago ka yena.

¹⁵¹ Moshe o llile pele ga Morena, gomme Morena o rile, “Ikaroganye wenamong, Moshe. Ke go bidityše, ka molaetša wo.” Gomme O dumeletše lefase go ba metša. Kafao Joshua o nyaka le kwešiše seo, gape.

¹⁵² Bjale, morago ga ge Joshua a gatela fase, re tla bitša hlatse ye nngwe thwi ka pela, gore re se tšee botelele kudu. Ke nyaka go bitša Jesaya. Nka kgona go bitša makgolo, eupša ke tla no bitša ba mmalwa gape gomme morago ka tlogela.

¹⁵³ Jesaya, moprofeta, o rile, “Ka letšatšing la ka, Morena o itlhatseditše bjalo ka moprofeta wa Gagwe. Gomme re a tseba gore Lentšu le tla go moprofeta. Gomme ka gona, se sengwe le se sengwe ke se boletšego, Modimo o se hlomphile le go se dira se phethagale. Go tloga go mošemane yo monnyane, godimo, se sengwe le se sengwe seo se boletšwego se phethagetše. Ke bonagaditšwe magareng ga batho bjalo ka moprofeta.

¹⁵⁴ “Gomme ka gona letšatši le lengwe Modimo o mphile selo sa phošo kudukudu go bolela, se nka kgonago go nagana ka sona. O rile, ‘Kgarebe e tla ima. Ke ya go mo fa leswao la godimodimo. Ke tla fa Israele le lefase leswao la godimodimo. Ba nyaka maswao, kafao Ke tla ba fa leswao la godimodimo. Kgarebe e tla ima.’ Gomme nna, ka go ba moprofeta yo a hlatsetšwego, ke dira selo sa phošo bjalo ka seo, eupša ke a tseba gore e be e le segalontšu sa Modimo.”

¹⁵⁵ Gomme le a tseba, o ka no bolela se. Jesaya a ka no paka go kgorotsheko morago ga sekgalela se, le go bolela se, gore, gabotse go nyakile kgarebe ye nngwe le ye nngwe e bego e le ka go Israele e beile diaparo tša lesea komana, gobane o be a eya go ba mosetsana yo a bilego le yona. Yeo ke nnete. O be a eya go ba kgarebe. Yo mongwe le yo mongwe wa bona o bile komana. Gomme yo mongwe wa bona o tsebile, kgwedi ya go latela o be a eya go ima . . . ka kgarebe. O ya go ba kgarebe, a ima, gobane Jesaya, moprofeta, o be a le moprofeta yo a hlatsetšwego. E ka ba eng a e boletšego Leineng la Morena e diragetše. Gomme bjale o re, “Kgarebe e ya go ima.”

¹⁵⁶ Gomme basadi ba bile le basetsana ba bona ba bannyane, “Morwedi wa ka e tla ba yena yoo.” Yo mongwe, *yo, yo, yo* mobotse, “O tla ba wa sehlopha se. O tla ba wa sehlopha se. O tla ba wa sehlopha *sela*.” Bohle ba, bona, yo mongwe le yo mongwe

wa barwedi ba bona o be a eya go ba le lesea le, gobane moprofeta o rile le be le le.

¹⁵⁷ Gomme moloko wola o fetile. Jesaya o hwile. Tshepišo ga se ya tla go phethega, eupša mengwaga ye makgolo a seswai moragwana. Modimo ga se a bolela gore kgarebe e be e tla ima neng. O nno re o be a tla ima. O nyaka le tsebe seo, gore Modimo ga se a re, “Ka go moloko *wo*, goba ka nako *ye*, goba nako ye e *itšego*, goba selo se se *itšego*, kgarebe ye e tla ima.” O nno re, “Kgarebe e tla ima.” E bile mengwaga ye makgolo a seswai moragwana, eupša kgarebe yela e imile. Le a bona? Modimo o boloka Lentšu la Gagwe. A le dumela seo? [Lefelo la go se be le selo godimo ga theipi—Mor.] . . . nako e ka ba efe go yena go e dira.

¹⁵⁸ Bjale, nka kgona go bitša mehuta yohle ya dihlatse tša boitšhireletšo mo, ka Hlatse ya boitšhireletšo, a ke re, go fa bohlatse. Ke be nka kgona go bitša batho fa. Eupša ge—ge kgorotsheko ye e ka ntshwarela, a nke ke be le monyetla wa go ba hlatse ya go latela?

¹⁵⁹ Ga ke ye go bolela ka Moshe, le se sengwe seo se diregilego morago kua, goba se sengwe se diregilego mengwaga ye masometlhano ya go feta, goba se sengwe seo se diregilego, mengwaga ye lekgolo ya go feta goba mengwaga ye makgolothano ya go feta. Ke ya go bolela ka se sengwe seo se diregilego bjale. Ke nyaka . . . Ke a dumela . . . Gomme ke nyaka go ba hlatse ya go latela, go paka lehono, gore, Lentšu la Modimo le le tshepišeditšwego letšatši le; e sego letšatši la Moshe, e sego letšatši la barutiwa, e sego letšatši la Luther, e sego Letšatši la Pentecost, e sego letšatši la Methodist.

¹⁶⁰ Eupša, letšatši le, ke nyaka go fa bohlatse go yona, mo boemong. Gomme ge le ka swarela selo se sa sebele. Gobane, e swanetše go ba hlatse ya sebele, gomme e swanetše go ba therešo. Gobane, ke a tseba Yo e lego Yena re mo šireletšago, gomme O tla tseba ge eba ke Therešo goba aowa.

¹⁶¹ Ke a dumela gore re phela ka matšatšing a mafelelo, gomme molaetša wa letšatši le lengwe o ka se lekanele letšatši le. O ka se kgone. E swanetše go ba Molaetša wa lehono, e sego ka gore e bile mengwaga ye lesome ya go feta. Molaetša wa iri ye, Molaetša wa moloko wo, Lentšu le a o bolela. Gona ge Lentšu le tshepiša, go swanetše go ba se sengwe se le hlatselago.

¹⁶² Gomme ke ka lebaka leo ba šitwago go amogela Jesu ge la mathomo A etla godimo ga lefase, ke ka gobane ba be ba phela ka tlase ga motlwae. Gomme Jesu o ba boditše, o rile, “Puruputšang Mangwalo. A paka ka Nna.”

Ba rile, “Re barutiwa ba Moshe.”

¹⁶³ O rile, “Ge le ka be le le barutiwa ba Moshe, le be le tla Ntumela, ka gore Moshe o ngwadile ka Nna. Lebelelang ka Lengwalong.”

¹⁶⁴ Gomme bale ba foufetšego, banna ba metlwae, go le bjalo banna ba go loka, banna ba bakgethwa, ga go yo motee a bego a ka kgona go bea monwana godimo ga bona. Ba be ba le baprista. Ba phetše mohlala. Ba be ba le banna ba o bego o ka se kgone go bea monwana godimo ga bona, ka baka la gore, ge o dirile, ba be ba tla kgatlwa ka maswika. Ba be ba le banna ba go loka. Ba be ba tlamegile go ba banna ba go loka, ka molao. Gomme ba godišitšwe, go tloga molokong go ya molokong, barwa le ditlogolobarwa tša bona, le ditlogolokhukhu, bohle ba be ba swanetše go ba baprista, Balefi. Gomme efela banna, ka go tšona ditlahlo, bao ba sa nkago ba tseba selo gape eupša seminari le Beibele, gomme ba be ba foufetše kudu go Mmona.

¹⁶⁵ A go ka kgonega gore re tsene seo gape? Elelwang, Lengwalo la go swana le rile re tla dira, yeo ke nnete tlwa, le rile re tla e dira. Bjale, bjalo ka bopaki bja sebele. . . Dinako tše dingwe re hwetša dilo di beilwe mmogo bjalo, gore re dikgokgorothwana kudu go *se*, gore *ye* ke thutotumelo, *se* ke selo se re swanetšego go se dira, go fihla re Le foša dimaele tše milione. Gomme ke a nagana re tla dira selo sa go swana, gobane Lengwalo le rile re tla dira.

¹⁶⁶ Bjale, bjalo ka se sengwe sa sebele, eupša le se se dumelele go bonagala. Ke a tshepa e no ba gobane ke ka go maemo a hlatse go kgorotsheko ye.

¹⁶⁷ Ke a dumela gore re mo iring ya go Tla ga Morena. Ke a dumela gore ditšhišinyego tše tša lefase le dilo tše re nago natšo, ngwedi wo woo ba. . . Godimo fa go bohlolelo le dilo, ba šeditše ngwedi wo. O tshwa mothuthupo wa go bogega madi go tšwa ka gare ga wona. Jesu o boletše gore ngwedi o tla fetoga madi, gomme go tla ba ditšhišinyego tša lefase gohlelele lefaseng, ka go wona—ka go wona matšatši pele ga go Tla ga Gagwe. O tleimile gore letšatši le tla be le dutše feela tlwa ka tsela ye le lego.

¹⁶⁸ Gomme ke a dumela, kgorotsheko, ke nyaka go bolela se sengwe go lena morago ga sekgalela se, gore, ga ke bone selo se tee go Mo šitiša go tla thwi bjale. Gore, lefase, ge nkabe ke na le nako ke be nka kgona go e netefatša go lena, le dutše ka go phethagala, ebile le ka maina le maemo, ka tsela ye e swanetšego go be e dutše ge A etla. Iri e neng? Ga ke tsebe. Ga go yo a tsebago. Eupša O rile, “Ge tše di etla go phethega, lebelelang godimo.” Israele e ka go nagalegae ya yona. Se sengwe le se sengwe se dutše feela gabotse tlwa, bakeng sa go Tla ga Gagwe.

¹⁶⁹ Bjale, ge ke be ke le lesea le lennyane. Batho ba gešu, go le bjalo, ka go ba moloko wa Moirish, mohlomongwe re be re le Makatoliki peleng, eupša tate le mme wa ka ga se ba ye kerekeng le gannyane. Ka legaeng le lennyane la thaba, godimo ka nageng ya Kentucky; mosong wo mongwe, Aporele la tshela, 1909, ka ntlong ye nnyane ya kgale ye ebile e bego e se ne

mafastere a a itšego ka go yona; feela mojako wo monnyane boka, o ile, go dumelela seetša ka gare. Ge Morena Jesu a ntumeletše go tla lefaseng, go beng leitsibolo la mme le tate wa ka; yena lesometlhano, papa wa ka lesomeseswai. Gomme godimo ga matarase a mannyane a ditlhokwa.

170 Ke a thanka lena batho tikologong fa ga le tsoge la tseba se matarase a ditlhokwa a bego a le. Eupša, rena, ke ba bakae ba kilego ba tseba se matarase a ditlhokwa a bilego? Gabotse, o tšwa karolong efe ya Kentucky? Le a bona?

171 Kafao gona, matarase a ditlhokwa, godimo ga matarase a mannyane a ditlhokwa, ka mosamelo wa legapi, malao a mannyane ale ka kamoreng. Kamora e tee ye nnyane, le morala wo monnyane, o be a no ba e ka ba, selo ka moka mmogo, e be e ka se be dikgato tše masomepedi, gohlelegohle. Ntlwana ye nnyane ya kgale ya dikota, go se lebato le gatee, tafola e dirilwe ka kutu.

172 Gomme fao, ka kamoreng ye nnyane yela, ge Jesu Kriste a ntumeletše go tla lefaseng. Ke kgona feela go bolela se ka bopaki bja batswadi ba ka, e bego e se ba bodumedi. Eupša ba be ba se ne mabone boka re na le wona mo, ebile go se lebone la oli ya malahle.

173 Ga ke tsebe ge eba le tla tsoge la tseba se lebone la kirisi le bilego, goba aowa. Ot šea makhura a a rilego gomme wa a bea ka gare ga kotikoti, gomme wa bea seripa se sennyane sa lešela ka gare ga yona, gomme wa e tšhuma, gomme e tla tuka.

174 Seetša, mosong wola ka leselaphutiana, go be go ka se bontšhe seetša sa go lekanela go dira mama a bone se ke bego ke le sona, goba go lebega boka sona. Gomme ba butše lefastere le lennyane le ka lehlakoreng go leba Bohlabela, ka gore dirobini tše dingwe di be di dutše ka dithokgweng ntle kua, di opela, ge go hlaba letšatši ka iri ya bohloano.

175 Gomme ge ba butše lefastere, Pilara ya Mollo, Seetša, se tlile se sepela go kgabola lefastere, le go tla le go lekelela godimo ga malao a mannyane. Mme wa ka o goeditše. Mmelegiši o be a le fale. Re be re se ne ngaka. Gomme mmelegiši o be a le fao. Ba be ba sa tsebe gore E be e le eng.

176 E ka ba dibeke tše pedi morago ga fao, ke ile ka tšeelwa godimo go kereke ye nnyane ya Baptist, e bitšwago Opossum Kingdom. Modiredi o ntshwere ka matsogong a gagwe gomme a nkgafela go Modimo.

177 Batho ba thaba ba be ba sa tsebe se ba ka se naganago ka Seo. Bona, ba ba boditše. Ba naganne mohlomongwe mama o be a nno hlakana hlogo ya gagwe, goba o nno naganana seo.

178 Mengwaga ye meraro moragwana, re tlile Indiana, gomme papa o hweditše mošomo. O be a le monamedi, a thapisa dipere bakeng sa balemirui le balemi, le go ya pele. O tlile ntle kua go thapisa dipere tša hakane, bakeng sa mo—mo monna wa mohumi

a bitšwago O. H. Wathen, o dula ka Utica Pike. Ke mong yo mogolo wa Colonels, gomme gape le R. E. Wathen Distillery, le tšona tšohle ka Louisville, le O. H. le R. E. Gomme papa o be a mo thapisetša dipere tša sala. Gomme morago o gobetše, gomme o ile go beng mootledi wa sephiri bakeng sa gagwe.

¹⁷⁹ Gomme ka mengwaga ye e ka bago šupa ka bokgale, ke be ke tsene sekolo. Gomme Setemere ye nngwe morago ga sekgalela . . . Ke hloya go bolela se, eupša ke go lefelo la bohlatse. Tate wa ka, ka go ba Moirish wa kgonthe, Mokentucky wa go se šikinyege, o dirile dino tša gagwe mong. Gomme ke be ke rwalela meetse go bohlotlelo bjo bonnyane bjo bjo a bego a na le bjona, gomme ke sa kgone go ya go thea dihlapu ka morago ga mogobe. Ke be ke lla, ke rwele meetse e ka ba poloko ya toropokgolo, go tšwa ntlongpolokelo, moo dipere di bego di dula. Gomme ke be ke rwalela meetse kua, go tla godimo go fodiša mathale ale godimo ga bohlotlelo bjola bakeng sa bošego bjola.

¹⁸⁰ Ke dutše fase ka tlase ga mohlare wa mopopolere wo mošweu, gomme ke be ke lla. Sefahlego se sennyane sa ditšhila, moriri o lekeletše fase, mogwang wa lehea ka tlase ga monwana wa ka, go thibela gore o se ke wa thitšwa, le a tseba, ke eya mmogo ka mkgwa woo, go tšwa sekolong. Bašemane bohle ka moka ba be ba le ntle mogobeng wa kgale wa aese, ba thea dihlapu. Ke be ke dutše fale, ke lla. Ke naganne, “Gobaneng ke swanetše go dira se? Bona bana ba bangwe ga ba dire sela.”

¹⁸¹ Gomme se e bego e le sona, lešata le tlile ka mohlareng wola, bjalo ka phefo e retologa, bjalo ka sesasedi. Gomme ke emeletše le go lebelela morago. Gomme ke ka go lefelo la hlatse, e lelwang. Go bile Segalontšu se boletše go tšwa go woo, se rile, “O se tsoge wa kgoga, goba go nwa, goba go tšhilafatša mmele wa gago. Go na le mošomo bakeng sa gago go o dira ge o eba yo mogolwane.” Se tšhošitše bophelo go tšwa go nna. Gomme ke ile pele. Dilo di thoma go direga. Dilo di thoma go profeta le go direga. Gomme bjale, ge ke be ke sa le mošemane yo monnyane, nako yeo, a ka bago bogolo bja mengwaga ye šupago.

¹⁸² Ka gona, e ka ba mengwaga ye lesomešupa ka morago ga fao, ke be ke le, ke bile modiredi, moreri wa Baptist, wa Kereke ya Missionary Baptist. Ngk. Roy E. Davis o ntlhomamišitše bjalo ka yo mongwe wa badiša ba selegae, a mpha ditokelo nako yeo, ka mmušo, go nyadiša, go boloka, go kolobetša, go ya pele. Gomme Kereke ya Missionary Baptist e swele, ye ke bego ke le mothuša modiša, ka nako yeo. Gomme Mna. Davis a tla morago Texas, e bego e le wa dithaba tša Davis, le—le tlase kgauswi le Van Horn, Texas. Fao ke mo ba tšwago. Gomme kafao, ge a sa ile, ke thomile go tšea phuthego. Ke hweditše tente, gomme ka thoma go rera ka toropongkgolo, gomme ke no ba moreri wa mošemane.

¹⁸³ Gomme ke bile le tirelo ya kolobetšo tlase nokeng, ka 1933, ka bogareng bja June, e ka ba la lesometshela goba lesomeseswai

la June. Gomme ke eme ntle kua, go be go fiša kudu, lebaka la dibeke. Ga se re be le pula lebaka la dibeke tše pedi goba tše tharo, gomme naga e be e eswa, go nyakile. Gomme go be go le, ke a thanka, e ka ba batho ba dikete tše šupa goba seswai lešing. Gomme ke sepeletše ntle ka meetseng, le mokolobetšwa wa ka wa lesomešupa, go kolobetša. Gomme ge ke kolobeditše, ka thoma go kolobetša, ke rile, “Ge ke go kolobetša ka meetse, a nke Morena Jesu . . .”

¹⁸⁴ Ge ke boletše seo, Sengwe se mpethile gomme se rile, “Lebelela godimo.” Gomme ge ke retologile go lebelela, morago ga lekga la boraro Se e boletše, lefelo e ka ba disekwere maele tše lesometlhano di be di bilokana godimo le fase ka go wona mafaufau a mphiri. Gomme go theoga go tšwa kua go tlile Pilara yela ya Seetša ya go swana ye ya go tla ka gare ge ke be ke le lesele le lennyane, yeo e boletšego le nna ka sethokgweng se se tukago, goba sethokgwa morago kua letšatši lela, gomme ya tla ka sethokgweng sela, le go tla go lekelela godimo moo diketekete tša batho.

¹⁸⁵ Dikuranta di e rwele gohle go kgabaganya setšhaba, thwi go ya ka Canada. Re na le ditsopolwa. “Seetša sa Sephiri se tšwelela godimo ga modiredi wa selegae wa Baptist ge a rera, goba a kolobetša.”

¹⁸⁶ Gomme Segalontšu sela se tlile tlase gomme se rile, “Bjalo ka ge Johane Mokolobetši a romilwe pele, go bula madibogo a go tla la pele ga Kriste, kafao Molaetša wa gago o tla bula madibogo a go Tla la bobedi ga Kriste.”

¹⁸⁷ Go kgonega bjang go ba bjalo? Go kgonega bjang go ba bjalo? Go bonagetše eke go be go ka se kgonagale. Ka gona ge Se boletše, matšatši a se makae go tšwa go leo, gomme le boletše. Gomme ke thoma go bona dipono tše le dilo tšeo ka mehla di diregilego. Go be go tla ntšhoša.

¹⁸⁸ Baena ba ka ba rile go nna, ba rile, “Seo ke sa diabololo.” Baena ba ka ba Baptist ba rile, “Seo ke sa diabololo.”

¹⁸⁹ Ke rile, “Le a tseba, ke tla no be ke eme, gomme,” ke rile, “selo sa pele le a tseba, e tla ya ka go boka mantladima, boka, goba se sengwe.” Ke rile, “Ke bona dilo tšeo ka mehla di diregago. O mpoeditše, mengwaga ye masomepedi pedi pele leporogo lela le eya go kgabaganya kua, le tla ya bokgole bjo bokae go kgabaganya, le be le tla ya go kgabaganya neng, gomme ke banna ba bakae ba bego ba tla loba maphelo a bona. Gomme e be e phethagetše, nako le nako.”

Gomme ka gona ba bangwe ba bona ba rile, “Yoo ke diabololo.”

¹⁹⁰ Gomme ka tloga, gomme ka thoma go lla le go rapela, bošego bjo bongwe. Ka re, “Morena Jesu, O tseba pelo ya ka. Ke a Go rata. A nke ke hwe. O se ntire ke be le e ka ba ofe . . . diabololo go ba le e ka ba eng go dira le nna. Bokaone ke hwe go feta go ba hlatse ya maaka ya Gago.”

¹⁹¹ Gomme e bile ka nako yeo ge Seetša se se boile gape le go mpontšha Lengwalo, gore mo letšatšing le selo se se swanetše go direga. Sese se letše thwi fa ka go Lengwalo bjale. E bile mengwaga ye masometharo tharo ge e sa le go tloga nako yeo, eupša ke hlatse gore ke Therešo. Ke nna hlatse ya dilo tše gore ke Therešo.

¹⁹² Gomme a nke ke bitše še—še šedi ya motšhotšhisi yo wa sefoku sa Lengwalo. Bjale, se se ya go kwagala go nyefola. Go fofala ka Mangwalo, motšhotšhisi yo ke sona. Gore, ka go Puku ya Mokgethwa Luka, tema ya 17 gomme temana ya 30, Jesu o rile, “Bjalo ka ge go bile ka matšatšing a Sodoma.”

¹⁹³ Bjale, o nyaka go tseba moo le le lego monna, gore O a swana maabane, lehono, le go ya go ile? O nyaka go tseba moo mabadi a dipikiri le mengwapo a lego, le dilo? Moikaketši e ka ba mang a ka kgona go dira seo.

¹⁹⁴ Bophelo bja Kriste bo bowa ka sebopego sa Moya wo Mokgethwa, e sego lebadi la dipikiri. Mme—mme mmele wa nama o dutše ka seatleng se setona sa Modimo, go dira dipoelano, eupša Moya wo Mokgethwa o tlile go tšwetsapele mošomo wa Gagwe. Ke nyaka o tsebe, ka go Mokgethwa Johane 14:5, Jesu o rile, “Yo a dumelago ka go Nna, mediro ye Ke e dirago o tla e dira le yena.” Ke go nyaka gape o tsebe gore Johane, ya 14. . . goba tema ya 15 e bolela, gore, “Ke nna Morara; lena le makala.” Gomme makala a ka kgona bjang go enywa mohuta e ka ba ofe wo mongwe wa bophelo goba kenywa go feta yeo e bego e le ka go morara?

¹⁹⁵ Lena batho le ka bolela bjang gore lebaka la boapostola le fedile? Le e hwetša kae? Morara o ka kgona bjang go tšwela ntle le go enywa, lehono, o kgona go ya ntle le go enywa namune, gomme letšatši le wa enywa lefodi? O be o tla swanela go fetola bophelo bja wona. Gomme ka go Maleaki tema ya 3, Modimo o rile, “Ke nna Modimo, gomme ga Ke fetoge.” Se A bilego nako yela, ke Yena lehono. Gomme ka mehla O bile gomme ka mehla o tla ba.

¹⁹⁶ Ke nyaka go le bitša, šedi, gore motšhotšhisi o leka go le botša gore O—O rile, “Ke be ke le” goba “Ke tla ba,” eupša ke phošo. O rile, “Ke a swana maabane, lehono, le go ya go ile.” Motšhotšhisi yo o hlatholla Lentšu ka go fošagala.

¹⁹⁷ Ge Jesu a romile barutiwa ba Gagwe go ya ka lefaseng lohle, ka go Mareka 16 mo, le go rera Ebangedi go sebopiwa se sengwe le se sengwe. Bokgole bjo bokae? “Lefase lohle,” ga se ya ke ya le fihlelela. “Sebopša se sengwe le se sengwe,” ga se ya tsoge ya se fihlela. “Eyang lena ka lefaseng lohle gomme le rere Ebangedi go sebopiwa se sengwe le se sengwe. Yo a dumelago gomme a kolobetšwa o tla phološwa. Yo a sa dumelego o tla lahlwa. Gomme maswao a a tla ba latela go fihla bofelong bja lefase. Ba tla bea diatla go balwetši, gomme ba tla welwa ke maruru.”

198 Ke nyaka le tsebe gape gore Petro, ka Letšatši la Pentecost, yo a swerego dikgonyo tša Mmušo, ge a eme ka go Ditiro 2:38. O rile, “Sokologang, yo mongwe le yo mongwe wa lena, gomme le kolobetsweng Leineng la Jesu Kriste bakeng sa go tlošwa ga dibe tša lena, gomme le tla amogela neo ya Moya wo Mokgethwa. Ka gore tshepišo ke ya lena, go bana ba lena, le go bona ba ba lego kgole, le ba bantši ba Morena Modimo wa rena a tlogo go ba bitša.”

199 Lebaka la boapostola le fedile neng? Fao go thomo, “Go lefase lohle, sebopiwa se sengwe le se sengwe, le yo mongwe le yo mongwe yo a dumelago.” Ke nyaka kgorotsheko go kwešiša seo, gore yeo ke tshepišo ya Modimo.

200 Ke nyaka gape le kwešiše, mohlatholli yo wa sefoku go batho ga a kwešiše Lengwalo. O rile, fa ka go Mareka, te—te tema ya 17 le temana ya 30, O rile, “Bjalo ka ge go bile matšatšing a Sodoma.” Bjale eyang morago. Jesu o be a šupa go Genesi ya go swana ye re bolelago ka yona. “Ka matšatšing a Sodoma, go tla ba bjalo ka go tleng ga Morwa wa motho.” Bjale eyang morago gomme le lebelele se e bego e le sona ka matšatšing a Sodoma, gona bonang moo re lego le go bona se se swanetšego go direga bjale. Mo matšatšing a Sodoma, ge . . .

201 Abraham, e bego e le sekai, o . . . Rena, feela go beng go hwa ka go Kriste, re tšea peu ya Abraham, gomme re bajabohwa le yena go ya ka tshepišo. E ka ba mang wa lena ka kgorongtsheko, morago ga sekgalela se, o tseba seo.

202 Šetšang Abraham. O amogetše mehuta yohle ya maswao, se sengwe le se sengwe, go tšwa go Modimo wa kagodimogatlhago ka sebopego sa Seetša, a eya gare ga sehlabelo. O Mo amogetše ka segalontšu, le go ya pele. Eupša leswao la mafelelo le Abraham a le amogetšego godimo ga thaba go tšwa Sodoma, feela pele lefase la Bantle le senywa, e bile Modimo Yenamong ka sebopego sa Motho. Le a kwešiša, kgorotsheko? Go bile le Batseta ba bararo ba etla godimo go yena. Batseta ba bararo, gomme o ile ntle go kopana le bona.

203 Ba babedi ba bona, Oral Roberts wa sebjalebja le Billy Graham, ba ya tlase ka Sodoma le go rera Ebangedi, le go ba fofatša ka Ebangedi ya bona.

204 Eupša yo Motee yo a dutšego morago kua, yo a jago nama ya namane, a nwelego maswi go tšwa kgomong, le go ja borotho, gomme Abraham o hlapišitše maoto a Gagwe. Gomme O dutše fale, Motho. Gomme O rile . . .

205 Bjale, elelwang, leina la gagwe e be e le Abram, letšatši pele ga fao, gomme le be le fetoletšwe go Abraham. Gomme Sarai o be a fetoletšwe go Sarah. Gomme Mo šetšeng, se A se bolelago, “O kae mosadimogatša wa gago, Sarah?” S-a-r-a-h. “Abraham,” A-b-r-a-h-a-m, “mosadimogatša wa gago o kae, Sarah?”

206 O rile, “O ka tenteng ka morago ga Gago.” Ga se a tla ntle, boka basadi lehono ba dira, ba ba swanetšego go ipontšha bonabeng. Eupša, yena, o be a le ka tenteng ka morago.

O rile, “Ke ya go go etela go ya ka nako ya bophelo.”

207 Gomme Sarah a belaela ka pelong ya gagwe, gomme a bolela ka pelong ya gagwe, “Dilo tše di ka se kgone go ba,” gobane, le a bona, bjalo ka ge kamano ya lapa e bile kgole le bona. O be a le bogolo bja mengwaga ye lekgolo, gomme o be a le masomesenyane. O rile, “Nna ka ba le mantsikinyane le morena wa ka, gomme yena a tšofetše, le yena, ntle kua? Go kgonega bjang go ba?”

208 Gomme Monna yo, ka mokokotlo wa Gagwe o furaletše tente, o rile, “Gobaneng Sarah a belaela, a re, ‘Dilo tše di ka se be?’”

209 Gomme Abraham o Mmiditše “Elohim.” Ge e ka ba mang a tseba se *Elohim* e se rago, “Yena Molekana Gohle.” Modimo Ramaatlakamoka Yenamong a bonagaditšwe nameng. Abraham o Mmiditše seo bjang? Gobane o bone gore Monna yola o be a le Lentšu.

210 Bjale, Bahebere, tema ya 4 gomme temana ya 12, e bolela gore Lentšu la Modimo ke le bogajana go feta tšhoša ya magalemabedi, Mohlathi wa dikgopolo le maikemišetšo a pelo. Gomme ge Jesu a tlile gomme a dirile mohlolo woo, ka go hlatha dikgopolo tša bona tšeo di bego di le ka pelong ya bona, ba Mmiditše Beletsebubu.

211 Eupša Lentšu ka go baprofeta bale ka mehla le be le kgona go bolelelapele le go hlatha. Leo ke Lentšu la letšatši lela. Seo ke se se ba tsebagaditšego bjalo ka baprofeta. Gomme elelwang, O tšepišitše gore lefase le tla ba ka go seemo seo, gomme o tla amogela leswao lela gape pele ga go Tla ga Gagwe. Bjale hlokomelang ka go Luka 17 fa, O rile, “Bjalo ka ge go bile ka matšatšing a Sodoma, go tla ba bjalo ka go tleng ga Morwa wa motho, ge Morwa wa motho a utollwa.”

212 A le ka ntshwarela bakeng sa motsotso wo mongwe, a nke ke bule se sengwe go lena fa, motsotso feela, kgorotsheko? A le ka dumelela se, bjalo ka ge ke le hlatse?

213 A le etše hloko mo? Ga se a ke a re, “Ge Morwa wa *Modimo* a utollwa.” O rile, “Morwa wa motho.” Jesu o tlile ka ditlaetlele tše tharo: Morwa wa motho, Morwa wa Dafida, Morwa wa Modimo, Motho wa go swana gohle.

214 Seo se no swana le thrinithi: Tate, Morwa, Moya wo Mokgethwa. E sego Bomodimo ba bararo! Motho yo Motee; ditholanakgopolo tše tharo tša Modimo.

215 Bjale, le a bona, go no swana le ge ke le batho ba bararo. Go mosadimogatša wa ka ke nna monnamogatša. Ke nna go morwedi wa ka, ke dutše mo, papa. Gomme setlogolomorwa sa ka, se dutše fale, ke nna rakgolo. Bjale, mosadimogatša

wa ka o na le feela tleleimi go nna bjalo ka monnamogatša wa gagwe. Gomme morwedi wa ka mo a ka se kgone go re, “monnamogatša,” gobane ke ngwana wa ka. Setlogolomorwa sa ka ga se kgone go mpitša “papa.” Nnete. Ga a na le tleleimi go nna bjalo ka papa. A ka no mpitša seo, eupša ga go bjalo. Ke setlogolomorwa sa ka. Go le bjalo, ke nna motho wa go swana.

216 Ke Modimo a ikapola Yenamong, a itliša Yenamong fase, gore A kgone go ba . . . O be a le godimo, ka go Pilara ya Mollo. Morago O bonagaditšwe ka go Morwa wa Gagwe, Jesu Kriste. Gomme bjale o utolotšwe go rena, ka Moya wo Mokgethwa. Šetšang, ge A etla.

217 Le tseba se “Morwa wa motho” e se rago? Lebelelang ka go Hesechiele, tema ya 2, gomme le tla hwetša, Hesechiele 2:1. Jehofa Yenamong o biditše Hesechiele, moprofeta, “morwa wa motho.” O biditše baprofeta bohle, “morwa wa motho.”

218 Gomme gobaneng gona Jesu a ipiditše Yenamong Morwa wa motho? Gobane O be a swanetše go tla ka tsela ye baprofeta ba rilego O tla tla. Moshe, ka go Doiteronomio 18:15, o rile, “Morena Modimo wa lena o tla tsoša moprofeta boka nna.” Gomme O tla go ikutolla Yenamong go peu ya tlhago ya Abraham, bjalo ka Morwa wa motho. Gomme ba Le biditše mošomo wa diabololo.

219 Go bjalo le ka Peu ya bogoši! E kwagala bogale, eupša e a phošolla, gomme ke lerato. Peu ya bogoši lehono e dirile selo sa go swana; go leka go e bitša “go bala monagano, goba diabololo tsoko.” Ke Morwa wa motho, Kriste.

220 Yoo e be e le Kriste ka go Hesechiele; Kriste ka go Moshe; Kriste ka go Dafida. E be e le Jesu, wa go swana maabane, lehono, le go ya go ile. Eng? Lentšu le dirwa go bonagala ke baprofeta ba.

221 E theetšeng, kgorotsheko, pele le dira sephetho sa lena. Lentšu le tla go moprofeta. Jesu o boletše gore molao wa lena o bolela gore la lena . . . gore bona Lentšu la Morena le tlogo go bona ke bomodimo. Gomme Jesu o dumetše ba be ba le bomodimo. O rile, “Gona, ge le ka kgona go ba bitša le go ba lemoga, molao wa lena, bjalo ka go ba bomodimo, yo Lentšu la Morena le tlogo go yena, baprofeta, le tla Nkahlola bjang ge Ke re Ke nna Morwa wa Modimo?” Ge, Yena a le Lentšu le le hlatsetšwego la iri yela. Ba rile ba dumetše baprofeta, gomme mo go be go le Lentšu ka botlalo. Gomme go le bjalo ga se ba Le dumela, gobane ba bile le thutotumelo ya bona le motlwae wa bona.

222 Šetšang bjale, kgorotsheko, pele o dira sephetho sa gago. A re yeng feela pejana gannyane. Šetšang. Morwa wa motho, ba Mmiditše diabololo. Eupša ba nyakile go Mo dira kgoši, le a tseba, ka kgapeletšo.

223 Lebelelang, ge sefofu Baratamio a kitimela ka morago ga Gagwe, o rile, “Wena Morwa wa Dafida, nkgaoegele,” o hweditše se a se kgopetšego.

224 Eupša ge mosadi wa Sirofenike, Mogerika, Montle, a kitimela ka morago ga Gagwe gomme a re, “Wena Morwa wa Dafida,” Yena ebile ga se nke a phagamiša hlogo ya Gagwe. O be a se na le tleleimi go Yena bjalo ka Morwa wa Dafida. O be a se Morwa wa Dafida go yena. Eupša ge a rile, “Morwa wa Modimo,” goba “Morena,” e lego Morwa wa Modimo, o hweditše se a se kgopetšego. Le a bona? Bantle ga ba na le tleleime go Yena bjalo ka Morwa wa Dafida. O be a le Kgoši. Yena ke Morena, go rena.

225 Gomme ge A ikutollotše Yenamong bjalo ka Morwa wa motho, bjalo ka ge Lengwalo le boletše gore O tla ba. “Aowa, mohlomphegi.” Ba Le ganne. “O be a se moprofeta.” Ga se ba kgone go Le dumela. Ba be ba se ba ke ba ba le yo motee lebaka la makgolo a mengwaga, gomme ba be ba sa kgone go Mo dumela go ba moprofeta.

226 Ge A boditše mosadi yo monnyane ka ga ke bannabagatša ba bakae a bilego le bona, gomme yena ka seemong sela, o be a beetšwe go ya Bophelong. O rile, “Mohlomphegi, ke a bona gore O moprofeta. Ke a tseba ge Mesia a etla. Ga se re be le moprofeta lebaka la makgolo a mengwaga. Eupša ke a tseba, ge A etla, leo ke leswao le A tla le dirago, gobane O tla ba Lentšu. O tseba se se lego ka pelong ya ka.”

227 O rile, “Ke nna Yo a bolelago le wena.” Gomme bopaki bja gagwe bo dirile toropokgolo ka moka go tla go Kriste. Nnete. Bohle ba dumetše.

228 Bjale, lebelelang, bjalo ka Morwa wa Dafida, O be a na le Mojuda. Eupša Morwa wa Modimo . . . Bjale lebelelang. Morwa wa motho, moprofeta. Le a bona? Morwa wa Dafida, kgoši. Ba ile ba Mo lemoga e sego moprofeta. Ba be ba nyaka go Mo dira kgoši. Ba nyakile go lokollwa go tšwa ka tlase ga Mmušo wa Roma.

229 Eupša ka gona ka go lebaka la kereke, O bitšwa Morwa wa Modimo. Bjale, mang kapa mang o a tseba gore Modimo ke Moya. A yeo ke nnete? Gomme Moya wo Mokgethwa ke Morwa wa Modimo. Yena ke wa kagodimogatlhago. Morwa wa motho e be e le moprofeta, motho; Dafida e be e le kgoši; eupša Modimo ke Moya. Gomme ka go lebaka la kereke, O utollwa bjalo ka Morwa wa Modimo. Re dumela seo. Ga o dumele Yena ke Morwa wa Modimo, o lahlegile. Yena ke Morwa wa Modimo go lebaka la kereke.

230 Eupša mpeeleng bohlatse. Lebaka la kereke ya bošupa, e lego lebaka la kereke ya Laodikia! Gabotse, a re tla amogela gore le ke lebaka la Laodikia? Elelwang, Yena, Lentšu, o beilwe ka ntle ga kereke. A yeo ke nnete? Go bewa ka ntle ga kereke! Gomme O be a le ka ntle, a leka go boela morago ka gare, “Ke eme gomme ke kokota mo lebating.” [Ngwanešu Branham o kokotile

phuluphithing—Mor.] “Gomme o bolela gore, ‘Ke humile, gomme ga ke hloke selo.’ Gomme ga o tsebe gore o a nyamiša, o foufetše, o hlobotše, o a šokiša, gomme ga o e tsebe.” O be a le ka ntle, Lentšu.

²³¹ Ke eng? Metlwae ya rena. Methodist ya rena, Baptist, Presbyterian, metlwae ya Pentecostal e ganne Lentšu, gomme A ka se be le tirišano felo. Yo mongwe le yo mongwe o “tlošitše diatla go Lona,” gomme o nyaka go Le bitša moya wo mobe.

²³² Gomme a le a kwešiša gore Jesu o rile, ka matšatšing a mafelelo pele ga go tla ga nako ya bofelo, gore O tla utollwa gape bjalo ka “Morwa wa motho,” e sego “Morwa wa Modimo”? Gomme seo se phethagatša Maleaki 4 le ditshepišo tšohle tše dingwe tše tša Abraham, leswao la mafelelo le Abraham a le amogetšego. O be a letetše morwa yo a tlogo, gomme leswao la mafelelo le a go le amogela, e be e le Modimo a utolotšwe ka go motho. Gomme Jesu o rile, “Bjalo ka ge go bile ka matšatšing a Loto ka gare, Sodoma, go tla ba bjalo ka go tlang ga Morwa wa motho.”

²³³ Bjale, a le tla ntshwarela, go nna go dira se sennyane, setatamente sa go teba mo. Ke nyaka go le botšiša se sengwe baithutamodimo. Puruputšang morago go kgabola Lengwalo, go kgabola histori ya Beibele. Bjalo ka ge le be le mpotša beke ye, le be le—le be le le banna ba go bala Lengwalo. Gomme gape gore le be le . . . gore lebaka la boapostola le fedile, gomme—gomme gore—gore le tsebile histori yohle ya kereke. Ke nyaka le biletše se go šedi ya lena. Modimo ntshwarele go robeng se, ge go se maleba go se dira.

²³⁴ Lefase le dutše tlwa nako ya lona. Lefase ga se la ke la tsoge la ba ka go nako ye bjalo ka ye, bjalo ka seemong sa Sodoma. Beke ya go feta, ka Florida, naga ya Florida, diphesente tše masometshela le metšo tša barutiši ba sekolo di beilwe ka ntle ga sekolo, bakeng sa bohomoseke. Bo oketšegile ka diphesente tše masomenne le metšo, godimo ka California, godimo ga ngwaga wa go feta; bohomoseke. Dikolo, diseminari, se sengwe le se sengwe se tletše ka bjona. Gomme o dutše tlwa moo go bilego ka matšatšing a Sodoma. Modimo o tla tlamega, ge A sa otle setšhaba se le lefase le bakeng sa dibe tša sona, O tla tlamega ka maitshwaro go tsoša Sodoma le—le Gomora le go kgopela tshwarelo go ba tšhumeng. Lebelelang iri ye re phelago ka go yona.

Nagana bjale, motsotso, kgorotshenko, pele o dira sephetho sa gago.

²³⁵ Bjale, Jesu ga se a ke a re, “Ka matšatšing ge Morwa wa Modimo a tla utollwa.” O utolotšwe ka go lebaka la kereke. Eupša kereke e Mmeile ka ntle.

236 Ka gona, O tla utollwa bjalo ka Morwa wa motho, “Ge Morwa wa motho a utollwa,” Modimo o bonagaditšwe magareng ga batho, boka go bile nako yela, Morwa wa motho, wa seprofeto.

237 Maleaki 4 e tshepišitšwe, m—m mmoni go tla pele ka segalontšu. E sego Maleaki 3 bjale, “Ke roma motseta wa Ka.” Maleaki 4 bjale. Le se ke la di hlakahlakanya. Gobane, la dira, le tla e foša. Maleaki 4 e be e se Maleaki 3, “Ke roma motseta wa Ka pele ga sefahlego sa Ka.” Eupša, Maleaki 4, ge motseta yo a etla, lefase le swanetše go tšhungwa, gomme Mileniamo o a tsena. “Ba babe ba a tšhungwa, ke melora, gomme baloki ba sepela ntle godimo ga melora ya bona.” Seo ga se sa ke sa direga ka matšatšing a Johane. Le a bona? Maleaki 4! Gomme šetšang, go swanetše go ba leswao, gomme leswao leo e swanetše go ba leswao la Lengwalo.

238 Jesu o rile, “Ke tšwa go Modimo. Ke ya go Modimo.” O be a le Pilara ya Mollo ye e bego e le ka sethokgweng se se tukago.

239 Ba eme fale letšatši le lengwe gomme ba rile, “O Monna yo a sego ka godimo ga bogolo bja mengwaga ye masometlhano.” A ka no ba a be a lebega bogolwane gannyane go feta ka fao ka kgonthe A bego a le. Bodiredi bja Gagwe bo be bo le boima. Gomme Beibele e re ga go bobotse re ka bo kganyogago, gomme ka kgonagalo Moisa yo monnyane wa nthatana. O rile, “O re. . . Ga O ka godimo ga ngwaga wo masometlhano. Gabotse, O ka se be ka godimo ga bogolo bja mengwaga ye masometlhano, gomme wa re O bone Abraham?”

240 O rile, “Pele Abraham a bile, KE NNA.” O rile, “Ke tšwa go Modimo. Ke be ke le Pilara yela ya Mollo ka lešokeng. Ke tšwa go Modimo.”

241 O dirilwe nama, Morwa wa Modimo. Modimo o apešitše kgarebe moriti, o hlotše sele ya Madi ye e tlišitšego pele Morwa wa Gagwe. E lego, Modimo a bolokilwe ka go Morwa yola. “Modimo o be a le ka go Kriste, a boelanya lefase go Yenamong.”

“Gomme Ke ya go Modimo,” ka morago ga lehu la Gagwe, poloko, le tso go.

242 Saulo o be a le tseleng ya gagwe go theogela Damaseko, gomme o rathetšwe fase ke Seetša, Pilara yela ya Mollo. Le nagana gore Mojuda o tla bitša e ka ba eng, mohuta tsoko—tsoko wa phoro, “Morena”? Ge a lebeletše godimo gomme a bona Pilara yela ya Mollo, o tsebile gore seo ke se yena, botatabo ba se latetšego, ba se latetšego go tšwa Egepete. O rile, “Morena, Wena o Mang?”

243 Gomme O rile, “Ke nna Jesu.” O a swana maabane, lehono, le go ya go ile.

244 Gomme segalontšu sa Lengwalo seo se boletšego ka sethokgweng sa Moshe, gomme Moshe o eme a kgodišegile go sona.

245 Ka fao go be go le segalontšu sa Lengwalo se se boletšego ka sethokgweng, ka mengwaga ye e šupago ka bokgale. Ke sa eme le go re ke Therešo. Gobane, Moshe o bone Lentšu lela, le ile la swanela go tla go phethega. Ke bona Lentšu le le swanetše go tla go phethega. “Morwa wa motho o swanetše go utollwa,” tlwa se Le se boletšego. Hlokomelang, e tshepišitše seo. E sego Morwa wa Modimo; Morwa wa motho! Le a bona? Morwa wa motho, Morwa wa Dafida, le Morwa wa Modimo.

246 Eupša ka morago ga matsatši a lebaka la kereke, ge A beetšwe ntle, gona O ikutolla Yenamong gape bjalo ka Morwa wa motho. Gobane, “Rena ba re hwilego ka go Kriste, re tšea Peu ya Abraham.” Gomme re Peu ya Gagwe ya bogoši. Ke ba bakae ba amogelago seo, gore Kereke ke Peu ya gagwe ya Bogoši? Gabotse, le a bona, se A se dirilego go Abraham, O dira selo sa go swana.

247 Bjale ntshwareleng se. Bjale, lena baisa bao le rego le tseba histori gabotse kudu, mpotšeng ke neng, ka go histori ya kereke, go kilego gwa ba moetapele yo a ilego go lena ntle kua, le lena Methodist, Baptist, Presbyterian, Lutheran, e ka ba eng le ka bago? Ke neng mo monna a rometšwego go lena, ka bofelo bja leina la gagwe ka h-a-m, go fihla bjale, G-r-a-h-a-m? Le bile le boSankey, Moody, Finney, Knox, Calvin, eupša ga se nke le neng h-a-m, boka Abraham. Gomme G-r-a-h-a-m e no ba maletere a tshela.

A-b-r-a-h-a-m ke maletere a šupago, Lentšu la Modimo, le phethagadišwe.

248 Bjale, elelwang, motho yo a bego a le ka matsatšing a Abraham. Bjale, Abraham o be a le, wa gagwe, o be a le mokgethiwa. O be a se ka Sodoma. O bileditšwe ka ntle ga Sodoma. Motseta yola a mo etetšego ga se a tsoge a ya Sodoma.

Eupša, bona ba ile tlase Sodoma, šetšang se ba se dirilego.

249 Šetšang se Yena yo a se dirilego go kereke mokgethiwa. Gomme Jesu o bileditše šedi ya lena go selo sa go swana, se tla direga mo matsatšing a mafelelo, “ge Morwa wa motho a tla ikutolla Yenamong ka nameng ya motho,” Lentšu le tseba sephiri sa pelo. Bjalo ka ge Le rile, “Le maatla kudu go feta tšhoša ya magalemabedi, le Mohlathi wa dikgopolo le maikemišetšo a pelo.” Boka baprofeta bohle ba dirile. Boka Jesu a dirile, Yenamong, o be a bitšwa Beletsebubu. Gomme o gannwe fa, gape, mo matsatšing a mafelelo.

250 Ke a makala ge eba mohlatholli yola wa sefofu o kile a nagana ka seo? Ke a makala ge eba o tla tsoge a lemoga gore Mangwalo a ao a profetetšwego letšatši le a swanetše go tla go phethega? Go ka ba bjang. . . ? A le a dumela e swanetše go ba mo nakong ye? Lentšu la Modimo, le ge Le dikadika! Efela dilo tše tšohle, mabaka a a kereke a fetile, gomme go bile makgolo a mengwaga ge e sa le re kile ra ba le yona, eupša e tshepišitšwe go ba fa.

251 O ikutolotše Yenamong bjalo ka Morwa wa Modimo, Morwa wa Modimo, Moya wo Mokgethwa o kolobeditše. Kereke ya Pentecostal le dikereke tlase go kgabola, e tlheošeditše maswao fase, matete, mehlolo boka A dirile. Ba bone Modimo ka go dipono tše kgolo le se sengwe le se sengwe.

252 Eupša kereke ga se ya ke ya tsoge ya bona Morwa wa Modimo a bonagaditšwe ka nameng ya motho, yo a tla utollago dikgopolo tše di lego ka pelong, go fihla lebakeng le. Gomme leo e bile lebaka le le bonego Sodoma e eswa gomme morwa wa tshepišo a bowa. Ke a makala ge eba mohlatholli yola wa sefowo wa Lengwalo o kile a nagana ka seo? Ke nyaka kgorotshoko go eelwa seo. Elelwang, ga go sa le bjang, ga go kgathale e dikadika gakaakang, efela e swanetše go direga. E ya go direga.

253 Dihlatse tše di a paka, ka phethagalo di pakile Therešo, gore go bjalo. Modimo o rile, “Ba tla bea diatla go balwetši, ba tla welwa ke maruru.”

254 Eupša lefase la ka ntle le nyaka o dumele, ka pela ge o bea diatla godimo, o swanetše . . . gomme maoto a digole a swanetše go otloga, gomme o swanetše go tabogela godimo le fase. Ga se nke A bolela seo. Ga se nke A tshepiša seo.

255 O rile, “Thapelo ya tumelo e tla phološa molwetši, gomme Modimo o tla ba tsošetša godimo.” Ga se nke a bolela neng. “Ba bea diatla godimo ga balwetši, ba tla welwa ke maruru.” Ga se nke A bolela neng. O rile, “Ge le rapela, dumelang gore le a e amogela, gomme e tla fiwa go lena.” Ga se A bolela neng.

256 Bjale, ge re le ba kgonthe, badumedi ba mmapale, ge Mangwalo a a direlwa rena, ga se gona se ka re botšago phapano e ka ba efe. Ga se gona se ka bolelago gore Ke phošo; ke ba bakae ba ka kgonago go tsoga, ke ba bakae baganamodimo, ke basedumele ba bakae, ke ba bakae ba ka kgonago go hlaloša se, sela, goba se sengwe. Modimo o boloka Lentšu la Gagwe. Gomme Mareka 16 e nno šušumetšwa bjalo ka Johane 3:16. Selo ka moka ke Lentšu la Modimo. Lentšu le lengwe le le lengwe la Lona le šušumeditšwe. Lohle la Lona ke Modimo, ge o no Le bala ka tsela ye Le bolelago.

257 Ke nyaka go biletša kereke go taelo ya letšatši, go hwetša. Pele o bitša e ka ba eng diabololo, bokaonana o elelwe, tshepišo ya se e swanetše go ba mo letšatšing le. Le a bona? Elelwang seo. Ka gore, lentšu le tee kgahlanong le Moya wo Mokgethwa ga le tsoge la lebalelwa ka lefaseng le, le ka lefaseng le le tlogo. Gomme le bona Moya wo Mokgethwa Yenamong a bonagatšwa, a dira selo sa go swana.

258 Ke lebeletše mosadi yo monnyane a dutšego fa ka pele ga ka. Ke nagana ke Mopresbyterian. Ga ke phoše. O be a le ntlong ya ka, e sego telele go fetile. O bile go fihla Laboraro go phela, kankere; a dutše ka kamoreng. Ke nno direga go mmona a dutše hleng le mogwera wa ka. Gomme o be a filwe go fihla Laboraro

go phela, ke dingaka tša toropokgolo. Di gakanegile bjale. Šo o dutše bošegong bjo, o lebelelega gabotse le go phelega, gomme o sa phela. O a e leboga, a ga o, kgaetšedi? Phagamiša seatla sa gago, ge yeo e le nnete. Mmoneng a dutše thwi fa. Le a bona? O be a ehwa, gomme a filwe go fihla Laboraro, e ka ba dikgwedi tše mmalwa tša go feta. Gomme bjale dingaka di a makala, go nagana. Se se diregilego E be e le O RIALO MORENA. Mantšu a Gagwe e sa le therešo.

²⁵⁹ Ge, Lengwalo le le bolela mo, gore, “Maswao a a tla latela bona ba ba dumelago. Ge ba bea diatla tša bona go balwetši, ba tla welwa ke maruru, ge o ka dumela. Maswao a a tla latela modumedi.” Ba tla dira. Ga se nke A bolela neng. Gomme ge o le modumedi wa kgonthe, ga se gona se ka go aroganyago go tloga go seo.

²⁶⁰ Theetšang bopaki bja Abraham. Theetšang mabopaki a bona ka moka. Ke makgolo a makae nkago go a biletša go lefelotiragalo lehono, le go le bontšha gore Modimo o boloka Lentšu la Gagwe, go sa kgathale, ge o ka Le dumela le go ema kua, le go tseba ka pelong ya gago gore le ya go tla go phethega.

²⁶¹ Ge, mohumagadi yo monnyane yo, ke bolelago ka yena. Bjale, yo mongwe o be a mpotša, metsotso e se mekae ya go feta, ntshwareleng, o be a mpotša metsotso e se mekae ya go feta, a etla go kgabola mothalo wa matena ntle kua, o rile, “Ngwanešu Branham, a ga o elelwe mohumagadi yo monnyane yo fa, thapelo ya gago ya tumelo go yena e se kgale kudu? O, mengwaga ya go feta, o be a ehwa ka kankere.” A mosadi yola o dutše a le gona? Yo mongwe o ntšhupeditše yena. Phagamišetša seatla sa gago godimo, ge o dutše mo felotsoko. Mosadi yo monnyane a etla go kgabola mothalo, monna tsoko, ngwanešu wa hlogo ye pududu, o be a mo ntšhupetša yena, o rile o be a ehwa ka kankere. Gomme šo o a phela bjale. A mohumagadi yola o ka moagong mo bjale? O be a le ka kamoreng ya matena, lebakana la go feta. O šupile godimo *kua*. Ya. Ya. Mdi. Waldrop morago kua, yo a bego a dula . . . gomme a hwile, ka mothalong, mengwaga ye lesometlhano ya go feta, mengwaga ye lesomešupa ya go feta, le ngaka ya gagwe ka—ka x-ray fale, kankere yela e be e jele pelo ya gagwe. Eupša e be e le O RIALO MORENA.

²⁶² A nke baswaswalatši ba tsoge le go bolela se ba se nyakago. Ke nna hlatse gore Jesu Kriste o a swana maabane, lehono, le go ya go ile. Se A bilego nako yela, ke Yena lehono. Yena ga se “Ke be ke le,” “Ke tla ba.” Ke Yena bjale, lebaka la bjale, wa go swana maabane, lehono, le go ya go ile. Gomme Jesu le Lentšu la Gagwe ba a swana. Gomme Yena ke Lentšu. A le a e dumela?

²⁶³ O boletše eng? “Maswao a a tla latela bona ba ba dumelago. Ge ba bea diatla tša bona go balwetši, ba tla welwa ke maruru.”

²⁶⁴ Pele re bolela se go kgorotsheko, le lekgotla la baahlodi. Le kwele molato. Ke bohlatse bjo bokae re ka bo bitšago? Ga go

kgathale ke dihlatse tše dingwe tše kae mo—mo motšhotšhisi a ka di bitšago, Mantšu a a paka kgahlanong le yena. O hlatholla Lengwalo ka go fošagala. Ke ba bakae ba dumelago gore Mantšu ke therešo? Ke ba bakae e lego modumedi? Phagamiša seatla sa gago. Go lokile. Beibele e boletše se, “Thapelo ya tumelo e tla phološa molwetši. Modimo o tla ba tsoša. Ge ba bea diatla tša bona godimo ga balwetši, ba tla welwa ke maruru.”

²⁶⁵ Bjale lebelelang, yo mongwe le yo mongwe wa lena. Ka molaetša wo monnyane wo wa go kgaoga, o thadile thumo ye e itšego. Tlase ka monaganong wa gago, o feditše le mogopolo wa gago, ka gore ke lekgotla la baahlodi. Gomme ka tsela ye o dirago go tloga ka morago ga fa, seo se tla netefatša se kahlolo ya gago e lego. Le a bona? Tsela ye o phelago go tloga ka morago ga fa e tla netefatša feela se kahlolo ya gago e lego. Bjale, ge o eya ntle le go re, “Gabotse, ke no babja bjalo ka ge ke bile ge ke etla ka gare,” fao e laetša feela gore ke mohuta mang wa kahlolo o e dirilego ka kgorongtshenko ye morago ga sekgalela se.

²⁶⁶ Ke nagana O bile le tshenko ye kaone A bilego le yona, o tlišitšwe godimo bjalo ka Lentšu. O netefaditšwe bjalo ka Lentšu. O tsebagaditšwe bjalo ka Lentšu. Gomme ge nka hwa bošegong bjo, Mantšu ao ke a boletšego ke therešo. Lefase le a e tseba. Lefase la saense le a e tseba. Pilara yela ya Mollo ya go swana, Morongwa wa Morena wa go swana! Ke ba bakae ba bonego seswantšho sa Yona? Se lekeletše ka Washington, DC, Sephedi sa kagodimogatlhago se nnoši se kilego sa tšewa senepe. Ge nka hwa bošegong bjo, ga ke tsoge ka le bona gape, se ke se boletšego ke Therešo. Gomme Modimo o pakile ka yona, gore ke Therešo. Gomme Lengwalo šele, le re e swanetše go ba bjale. Gona e bitše diabolo ge o nyaka. Seo se tla ba gare ga gago le Modimo. Le a bona?

²⁶⁷ Jesu Kriste o a swana maabane, lehono, le go ya go ile, gomme O itsebagatša Yenamong bjalo ka ge A tšhepišitše. Bontši kudu re ka boelago. Ka matšatšing a a mafelelo, bjalo ka Morwa wa motho, a itira Yenamong go tsebja magareng ga batho ba Gagwe, ka sebopego sa batho ba Gagwe. Le a bona? E sego Morwa wa Modimo, e sego Morwa wa Dafida, eupša Morwa wa motho. Morwa wa Modimo e be e le sa kagodimogatlhago.

²⁶⁸ Boka Abraham, o bone digalontšu, le go kwa dilo, le go bona dietša, le go ya pele. Eupša feela pele morwa wa tšhepišo a etla, Modimo o ikutulotše Yenamong bjalo ka Motho, ka nameng ya motho, le go bala dikgopolo tšeo di bego di le ka pelong ya Sarah, ka kamoreng ka morago ga Gagwe. Ke ba bakae ba rego, ba tsebago leo ke Lengwalo? . . . ? . . .

²⁶⁹ Gomme O rile, “Bjalo ka ge go bile ka matšatšing a Sodoma, go tla ba bjalo ka go tleng ga Morwa wa Modimo a etla, ge Morwa wa motho a tla be a utollwa.” “Morwa wa motho a utollwa,” e sego Morwa wa Modimo ka go lebaka la kereke. O beilwe ka

ntle ga leo. Bjale Yena ke Morwa wa motho a ikutolla Yenamong. Lentšu le ba nama magareng ga rena.

270 Oo, mogwera wa ka, bula mahlo a gago, kgorotsheko, pele o dira sephetho sa gago. Dira sephetho sa gago gomme o le dumele ka pelo ya gago yohle. O lokafadišwe go ngwaleng se ka Lengwalong. O lokafadišwe ka go se A se bolelago. Nka e netefatša. Ke a tseba O a rereša. Modimo o a e netefatša.

271 Ga A hloke motho go hlatholla, a re, “Se ke *sela*, gomme Se ke *sela*.” O re O tla e dira, gomme O a e dira, gomme seo se a e ruma. Yena ke Mohlatholli wa Gagwe mong.

272 A le dumela seo? [Phuthego e re, “Amene.”—Mor.] Ke badumedi ba bakae, gona? Phagamišetša seatla sa gago godimo, o re, “Ke nna modumedi.” Ke nyaka modumedi yo mongwe le yo mongwe ka mo go ema ka maoto a gago. Mosedumele, fele o dutše. Badumedi emang ka maoto a lena.

273 Ka kgorongtsheko ye, pele e kgaotša, ke nyaka go leboga Morena gore kgorotsheko ye e tšere sephetho sa yona. Lekgotla la baahlodi le tšile go kahlolo ye, gore Jesu Kriste o lokafadišwe go beeng dilo tše ka go Lentšu la Gagwe. Ge ka therešo e hlathollwa ka seetša sa Lentšu, ke Therešo. Ke ba bakae ba lena, kgorotsheko, le dumelago seo? Phagamiša seatla sa gago, e re, “Pele ga Modimo, ke a dumela gore ke Therešo. Ke a dumela gore ke Therešo.” Bjale, ke ba bakae, ge o bea seatla sa gago fase, wa re, “Ke nna modumedi ka go se o se boletšego. Ke se dumela go ba Therešo ya go botega. Ke Lentšu la Modimo?” Phagamišetša seatla sa gago godimo. Go lokile.

274 Bjale ke nyaka wena, obeletša thwi go kgabaganya tafola, gomme bea seatla sa gago godimo ga modumedi yo mongwe. Bea seatla sa gago thwi go kgabaganya tafola, se bee godimo ga modumedi yo mongwe. A re badumedi? O boletše eng? “Maswao a a tla latela bona ba ba dumelago.”

275 Kgorotsheko, a le feditše le mogopolo wa lena? E reng, “Amene.” [Phuthego e re, “Amene.”—Mor.] “Kahlolo ya ka e fihleletšwe.” A yeo ke nnete, “Amene”? [“Amene.”] Gore Lentšu la Modimo ke therešo, “Amene”? [“Amene.”] Mareka 16 ke therešo, “Amene”? [“Amene.”] Gona, “Maswao a a tla latela bona bao ba dumelago.” Ba tla swanela ke go welwa ke maruru. [“Amene.”] O boletše bjalo, a ga se A ke? [“Amene.”]

276 Bjale, ka tsela ye o rapelago ka kerekeng, o rapelele motho yo o nago le diatla tša gago godimo ga gagwe. Ba a go rapelela. “Gomme maswao a a tla latela bona ba ba dumelago.” Go tla direga eng? Tiro ya gago, go tloga iring ye go ya pele, e tla netefatša se kahlolo ya gago ya therešo e lego.

277 Bjale inamiša hlogo ya gago, yo mongwe le yo mongwe wa lena. Bjale rapelela motho yo o nago diatla tša gago godimo ga gagwe.

278 Jesu Kriste wa Nasaretha, ke biletša se go šedi ya Gago gape. Banna le basadi ba ba tleimile, ka bopaki bja bona, gore ke badumedi. Ba eme, gomme ba beana diatla seng sa bona. Morena, re dumela Lentšu la Gago, gore ka go letšatši le legolo le la thuto, letšatši le legolo le la—la—la go ya pele, la maitshwaro le—le ditshepedišo tšohle tša thuto, efela, ka bogareng bja yona yohle, Lentšu la Gago le šala e le therešo feela go swana.

279 Gomme re biditše dihlatsa ka kgorongtsheko ye morago ga sekgalela se, Morena, go Go fa tsheko ye kaone; e sego tsheko ya dikwero, e sego dikwero boka Herode a Go fa, goba—goba—goba bjalo ka yo mongwe wa ba bangwe. Re Go fa tshekišo ye kaone fa, le go netefatša. Gomme batho ba Gago ba feditše le mogopolo wa bona, gore Lentšu la Modimo ka 1964, iring ye re phelago ka go yona bjale, gore O no ba Modimo bontši bjalo ka ge O kile wa ba. Gomme Lentšu le lengwe le le lengwe leo O le tshepišitšego ke Therešo. Gomme ba na le diatla tša bona di beilwe yo motee godimo ga yo mongwe, bjalo ka badumedi. Ba rapelelana yo motee go yo mongwe.

280 Gomme O rile, “Maswao a a tla latela bona ba ba dumelago. Ge ba bea diatla tša bona go balwetši, ba tla welwa ke maruru.” Wena ga se wa tsoge wa bolela neng. O rile, “Ba tla welwa ke maruru.” Bjale, bona go beng. . .

281 Bjalo ka ge ke le motereita, gomme batho ba e le lekgotla la baahlodi, gape moahlodi, ba file bohlatse go se, Morena, ka go sepelela go diatla tša seng sa bona, le go rapelelana seng.

282 Bjale, ditiro tša bona ka morago ga fa ka kgonthe di tla netefatša se kahlolo ya bona e lego. A nke go se tsoge gwa ba le pelaelo e tee magareng ga bona, gape, ya go tsoge ba babja ka bolwetši bjo, goba e ka ba eng e ba tshwenyago bjale. A nke ba tsebe gore Modimo o tshepišitše O tla e dira.

283 Dinako tše dingwe O a dikadika, bjalo ka ge A dirile ka matšatšing a Noage, O dirile ka matšatšing a Moshe, O dirile ka matšatšing ohle. Eupša Yena ga—Yena ga se nke A botša batho ba Pentecostal, “Eyang godimo toropongkgolo ya Jerusalema, ka go diiri tše masomepedi nne Ke tla le fa Moya wo Mokgethwa.” O rile, “Letang kua go fihla le hlamišwa ka maatla go tšwa Godimo.” Yena ga se nke a re, “Letšatši le le tee, matšatši a mabedi, matšatši a lesome.” O rile, “Dulang go fihlela le hlamišwa ka maatla.” Morena, ba dutše go fihla bohlatse bo boletše morago ka bona, gore e be e le Moya wo Mokgethwa wa Modimo.

284 Bjale, a nke batho ba, ba ba nago le diatla tša bona godimo ga bona seng, ba ba emago, kgorotsheko ye morago ga sekgalela se, ka Bogoneng bja Modimo, ka Bogoneng bja Lentšu la Gagwe bjalo ka ge ke Le badile. Gomme re pakile go se, gore re dumela gore O boloka Lentšu la Gagwe. Gomme a nke yo mongwe le yo mongwe a fodišwe, Leineng la Jesu Kriste. Amene.

285 Bjale, lena bohle ba le dumelago seo, go tloga iring ye, gore modumedi yo a emego ka maoto a bona bjalo ka modumedi, gomme wena modumedi, gore o pakile le go fa bohlatse pele ga kgorotsheko ye morago ga sekgalela se gore o a dumela gore O lokile gomme O boloka Lentšu la Gagwe. Ga go kgathale gore e diega botelele bjang, e swanetše go direga. A o a e dumela? Phagamiša seatla sa gago. A o a e amogela? Modimo a go šegofatše. Ke e dumela ka pelo ya ka yohle.

Bjale a re inamišeng dihlogo tša rena feela nakwana.

286 A go na le motho ka mo yo e bego e le mosedumele, motho yo e sego Mokriste? Ke nyaka go le fa sebakabotse go sepelela godimo mo go ye, pele ga kgorotsheko ye, le go dira boipolelo, le go re, “Ke bile mokamaki, bophelo bjohle bja ka. Eupša, go tloga letšatši le go ya pele, ke amogela Jesu Kriste.”

287 Ke a tseba gore Beibele e boletše, gore, “Ka matšatšing, bjalo ka ge go bile, ka matšatšing a—a Jona, a be a le ka mpeng ya hlapikgolo matšatši a mararo le mašego.”

Ba rile go Yena, “Re fe leswao.”

288 O rile, “Wo mobe le wa bootswa, moloko wa Sodoma, o nyaka leswao, gomme ba tla le hwetša. Ba tla hwetša leswao. Ka gore bjalo ka ge Jona a bile mpeng ya hlapikgolo, matšatši a mararo le mašego, kafao Morwa wa motho o swanetše go ba ka pelong ya lefase.” Barutiwa ba re badilego ka bona, ba be ba sa kwešiše, ge ba be ba sa dumele bao ba Mmonego morago ga ge A tsogile go tšwa bahung.

289 Re Mmone. Re a tseba gore ke therešo. O tsogile go tšwa bahung. Re a e dumela. Gomme re phela ka matšatšing a go swana le ge go bile ka matšatšing a—a Jona, ge ditoropokgolo di fapošeditšwe ka bobeng. Gomme Jona o tšile pele, go tšwa mpeng ya hlapikgolo, bjalo ka yo motee go tšwa bahung. Gomme, lehono, re a dumela Jesu Kriste o tsogile go tšwa bahung gomme o itira Yenamong go tsebja tlase go kgabola lebaka la kereke bjalo ka Morwa wa Modimo, gomme bjale a e tlatša, a phethagatša tshepišo ya Gagwe mo matšatšing a mafelelo, go ikutolla Yenamong go Peu ya bogoši ya Abraham, bjalo ka Morwa wa motho.

290 Modimo a le šegofatše. Ka dihlogo tša rena di inamišitšwe bjale, ka setu le tlhompokgolo, ge re opela temana e tee, *Ke A Mo Rata*. “Ke a Mo rata gobane O nthatile pele.” Gomme ge o se Mokriste, gomme o nyaka go ba yo motee, le go tšea go ema ga gago bošegong bjo le banyatšiša ba sego ba bakae ba Morena, ka go letšatši le lebe le boka go bile ka matšatšing a Noage, boka go bile matšatšing a Sodoma, etla pele ge re opela, ka dihlogo tša rena di inamišitšwe gomme yo mongwe le yo mongwe a rapela.

Ke a Mo rata, ke a Mo rata

Gobane O nthatile pele

Gomme a lefela phološo ya ka

Godimo ga mohlare wa Khalibari.

²⁹¹ Bjale a re swareng dihlogo tša rena fase, bjale, ge re hama.

²⁹² Nagana ka yona. Nagana ka yona. A o ka kgona go itšhikinya wenamong feela gannyane nthatana? Yena Modimo yoo a dirilego tshepišo, O fa, go e dira e tsebje, thwi mo lefaseng lehono, go e netefatša. Mangwalo a Gagwe šea. Ga go yo a swanetšego go le hlatholla. Le šetše le hlatholotšwe. Gomme O lefile phološo ya ka. A o ka se e amogele?

²⁹³ Bjale, ge o šetše o le Mokriste, gomme o rata go phela kgauswana le Modimo, a re phagamišeng diatla tša lena ge re sa e opela gape, ka dihlogo tša rena di inamišitšwe. O nyaka mosepelo wa kgauswana le Modimo; o dumela se go ba Therešo, gore re phela ka matšatšing a mafelelo.

Ke . . .

²⁹⁴ Modimo a be le wena, mogwera. O se šitwe. O se šitwe. Mo dumele. “Ke a Mo rata.” E re ka pelo ya gago yohle bjale. Ineele wenamong. Yena ke Lentšu, Lentšu la letšatši le.

. . . nthatile pele . . . ? . . . 

64-0427 Tsheko
Ramada Inn
Tucson, Arizona U.S.A.

NORTH SOTHO

©2024 VGR, ALL RIGHTS RESERVED

VOICE OF GOD RECORDINGS
P.O. Box 950, JEFFERSONVILLE, INDIANA 47131 U.S.A.
www.branham.org

Tsebišo ka tokelo-kgatišo

Ditokelo ka moka di bolokilwe. Puku ye e ka ngwalollwa godimo ga sengwalolli sa ka gae go šomišwa ke mong goba go fiwa ntle, mahala ntle le tefo, bjalo ka sedirišwa go gaša Ebangedi ya Jesu Kriste. Puku ye e ka se kgone go rekišwa, go tšweletšwa gape ka bopepetla, go romelwa go website, go bolokwa go sedirišwa sa go bušetša, go hlathollelwa malemeng a mangwe, goba go šomišetšwa go kgopela ditšhelete ntle le tumelelo ya go ngwalwa ya Voice Of God Recordings®.

Tshedimošo ye e Tseneletšeng goba materiale yo mongwe o leng gona, ka kgopelo ikopanye le:

VOICE OF GOD RECORDINGS

P.O. Box 950, JEFFERSONVILLE, INDIANA 47131 U.S.A.

www.branham.org